


521356

福建通志

通第叁册
紀



福建通紀卷七

元一

世祖至元十七年正月置福建行中書省於福州

資治通鑑後編
元資治通鑑

案元史百官志作十六年五月事始去年定制而今年實行之

敕泉州行省所轄州郡山寨未即歸附者率兵拔之已拔復叛者屠之元史

世祖紀

三月命福建王積翁入領省事中書省臣以為不可改戶部尚書

四月以隆興泉州福建置三省不便命廷臣集議以聞上

中書省臣言峻都軍士擾民故南劍等路民復叛及忙古帶往招徠之民

始獲安詔以忙古帶仍行省福州世祖紀
元通鑑

隆興路楊門站復為懷安縣

五月福建行省移泉州

汀漳賊廖得勝等伏誅以上世祖紀

福建通紀元一

通志七

元史紀事本末
七月徙泉州行省治隆興元史類編

案新元史作十八年七月事

八月鎮守南劍路萬戶呂宗海竊兵亡去詔追捕之世祖紀

漳州陳弔眼聚黨數萬劫掠汀漳是月加完者都鎮國上將軍福建等處征蠻都元帥率兵五千往討賜翎根甲面慰遣之且曰賊苟就擒聽汝施行時黃華聚黨二萬人擾建寧完者都先引兵鼓行壓其境軍聲大震賊驚懼納款完者都許以為副元帥凡征蠻之事一以問之且慮其姦詐莫測因大獵以耀武適有一鷗翔空完者都仰射之應弦而落遂大獵所獲山積華大悅服完者都乃聞於朝請與之俱討賊朝廷從之華遂為前驅破其五寨通鑑後編

案臨汀彙攷以副元帥為高興與元資治通鑑合而元通鑑既言興為副帥又言黃華為副元帥事在十二月彙攷又以十七年事為十八九兩年

十二月陳桂龍反弔眼之叔也據漳州高安砦延蔓五十餘寨命完者都及副帥高興討之時各寨最著者桂龍在九層際弔眼在漳浦峰山砦陳三官在水篆羅半天梅龍在長窰陳大婦在客寮皆畚也桂龍等乘高爲險人莫敢進興命人持束薪進至半山棄薪退如是六日誘其矢石皆盡乃焚薪焚柵斬首二萬級桂龍亡入畚洞

元通鑑類編經世大典序錄

案元史誤以完者都爲陵都臨汀彙攷謂桂龍率衆來降詔流之邊地

但以爲十九年事

置權茶都轉運司于江州總江淮荆湖福廣之稅

類編

十八年正月邵武民高日新據龍樓寨爲亂擒之

世祖紀

案世祖紀又言本年十月高日新降

三月福建省左丞蒲壽庚言詔造海船二百艘今成者五十民實艱苦詔

止之

世祖紀

閏八月阿塔海乞以戊二海口軍擊福建賊陳吊眼詔以重勞不從

世祖紀續

九月立經略使問民疾苦招諭叛逆總督大小官吏治兵哀粟精練士卒

審用成算并申明紀律先定江西湖廣浙江福建諸處併力犄角收平復

之效不尙屠戮之威

元朝典故
編年考

十月陳弔眼聚眾十萬連五十餘寨扼險自固高興攻破十五寨弔眼走

保干壁嶺與上至山半誘與語接其手掣下擒斬之漳境悉平

續通鑑臨
汀彙攷

案彙攷以為十九年事元史彙編以為十一月事

南劍州邱細春反行鎮閩開國大王改元昌泰

經世大
典序錄

用和禮霍孫言於揚州隆興鄂州泉州四省置蒙古提舉學校官各一員

通鑑
後編

十一月高日新及其弟鼎新等至闕以日新兩為叛首授山北路民職

紀

案本紀既言擒日新又言日新降或既擒逸去又降故此言兩為叛首

十二月獲福州叛賊林天成戮于市

世祖紀

是月也免福州路今年稅二分十八年以前租稅並免徵

世祖紀

是歲改漳州為路

通鑑後編

是年以福建調軍糧儲費用依腹裏例置立屯田命管軍總管鄭楚等發

鎮守士卒年老不堪備征戰者得百有十四人又募南安等縣居民一千

八百二十五戶立屯耕作

元史

十九年二月籍福建戶數

世祖紀

諭鄂州揚州隆興泉州等四省議用兵戍列城四月調揚州合必軍三千

人鎮泉州

元史兵志

三月興化路連日雨霰

元史五行志

四月征蠻元帥完者都等平陳吊眼巢穴班師賞其軍鈔仍令還家休息

遣揚州射士戍泉州陳吊眼父文桂及兄弟桂龍滿安納款命護送赴京

師其黨吳滿張飛迎敵就誅之

世祖紀

六月以占城既服復叛發淮浙福建湖廣軍五千海船百艘戰船二百五

十命峻都為將討之世祖紀

九月福建宣慰司獲倭國諜者有旨留之元史

是月敕平濠高麗耽羅及揚州隆興泉州共造大小船三千艘世祖紀

二十年正月改福建按察司為福建閩海道通鑑後編類編

三月併泉州行省入福建行省

罷福建市舶總管府存提舉司

給西川福建兩廣之任官驛馬

免福建歸附後未徵苗稅以上世祖紀

罷福建道宣慰司復立行中書省於漳州以中書右丞張惠為平章政事

御史中丞也先帖木兒為中書左丞並行中書省事世祖紀通鑑後編

七月蠲建甯路至元十七年前未納苗稅世祖紀

十月建甯路管軍總管大典作黃華叛眾幾十萬剪髮文面號頭陀軍據

政和縣稱許興五年高興與戰於鉛山破其軍獲八千人通鑑後編經世大典序錄

黃華犯崇安浦城等縣圍建寧府命征東行省左丞劉國傑以其兵會汀

淮參政伯顏等討之國傑攻破赤巖寨華投火死餘衆皆潰福建行省左

丞忽剌出將兵來會梧州欲復賊遺棄去者盡殺之國傑曰首亂者華也

餘皆脅從招諭不歸誅之未晚未幾衆果出降通鑑後編

案元史元通鑑以為記下憐吉帶史弼等將兵二萬二千人討平之元

史類編以為明年正月華方自殺

發乾討虜軍千人增戍福建行省先是福建行省以其地險常有盜負固

為亂兵少不足戰守請增蒙古漢軍千人樞密院議以劉萬奴所領乾討

虜軍益之兵志

是年增海北廣東道改福建廣東道曰福建閩海道百官志

二十一年二月以福建宣慰使管如德為泉州行省參知政事世祖紀

漳州盜起命江浙行省調兵進討秦州總管劉發有罪嘗欲歸黃華事覺

福建道世元一 通志七

前及
伏誅

通鑑
後編

八月放福建番軍收其軍器其部長於近處州郡民官遷轉

世祖紀

九月併江淮福建為一省

編類

立福建等處鹽課市舶都轉運司中書省言福建行省軍餉絕少必於揚州轉輸事多遲誤若併兩省為一分命省臣治泉州為便詔以中書右承行省事忙兀台為江淮等處行中書省平章政事其行省左丞忽剌出蒲壽庚叅政管如德分省泉州

十一月福建行省遣使人八台魯思招降南巫里別里刺理倫大力等四國各遣其相奉表以方物來貢

二十二年正月盧世榮請罷福建行中書省立宣慰司隸江西行中書省

以上世祖紀

邵武光澤縣大水

元史五行志

二月徙右千戶只兒海迷失分地泉州

世祖紀

盧世榮奏于泉杭二州立市船都轉運司給民錢令商販諸番官取其息
七民取其二三禁私販海者拘其先所蓄寶貨官賣之匿者許告沒其財以
其半給告者續通鑑

九月詔福建黃華番軍有恒產者放為民無恒產與妻子者編為守城軍

兵志

二十三年正月升福州長溪縣為福甯州以福安甯德二縣隸之世祖紀

十月興化路仙遊縣蟲傷禾世祖紀

十二月復泉州市船提舉司世祖紀

是年汀寇鍾明亮起事嘯聚數萬眾由閩及江蹂數郡之地水雲村

二十四年閏二月改福建市船都漕運司為都轉運鹽使司世祖紀

是年五月朝廷用桑哥言置上海福州兩萬戶府以維制沙不丁烏馬兒

等海運船通鑑後編

十一月桑哥等言江南歲附十年盜賊迄今未靖宜立限招捕而以安集

貴州縣之吏其不能者黜之葉季言臣在漳州十年詳知其事大抵軍官嗜利與賊通者尤難弭息宜令各處鎮守軍官例以二年轉徙庶革斯弊皆詔行之續通鑑

獲福建首賊張治國其黨皆平世祖紀

案此言治國已獲而世祖紀二十五年十二月又言湖頭賊張治國掠泉州必有一誤

二十五年二月循州賊萬餘人寇漳浦泉州賊二千人寇長泰汀贛番賊千餘人寇龍溪皆討平之通鑑後編元通鑑

四月廣東賊董賢舉等七人皆稱大老聚眾反勦掠吉贛瑞撫龍興南安韶雄汀諸郡連歲擊之不能平

七月近以盜起廣東分江西江淮福建三省兵萬人命同知江西行樞密院事月的迷失將之討賊

九月置汀梅二州驛以上世祖紀

十月以參知政事忻都等十二人理筭江淮江西福建四川甘肅安西六省錢穀耗失之數給兵以衛其行元通鑑

十一月北兵犯邊詔福建省管內並聽行尚書省節制世祖紀

十二月免泉州今歲田租上

是年南安等處被寇兵者稅糧免徵元史食貨志

二十六年正月蠲漳汀二州田租通鑑後編

畚民丘大老集眾千人寇長泰縣福州達魯花赤脫歡同漳州路總管高

傑討平之世祖紀

以荆湖古城省左丞唐兀帶副按的忽都合為蒙古都萬戶統兵會江淮

福建二省及月的迷失兵討盜于江西元通鑑

二月尚書省臣言行泉州所統海船萬五千艘以新附人駕之緩急殊不

可用宜招集乃顏及勝納合兒流散戶為軍自泉州至杭州立海站十五

站置船五艘水軍二百專運番夷貢物及商販奇貨且防禦海道為便從

之

命福建行省拜降江西行院月的迷失江淮行省忙兀帶合兵擊賊江西

四月置江西福建打捕鷹坊總管府福建轉運司及管軍總管言其非宜

詔罷之以上世祖紀

置浙東江東江西湖廣福建木綿提舉司責民歲輸木綿十萬匹以都提

舉司總之世祖紀類編

五月江淮福建江西三省所抽軍各還本翼世祖紀

八月置福建江西等處行中書省元史百官志

案百官志又作行樞密院

九月詔福建省及諸司毋沮擾魏天祐銀課世祖紀

是年春鍾明亮降於韶州閏八月復反以衆萬人寇梅州江羅等以八千

人寇漳州又韶雄諸賊二十餘處皆舉兵應之聲勢張甚詔遣月的迷失

與福建江西省合兵討之通鑑後編元通鑑曲江縣志

十一月漳州賊陳機察等八千人寇龍巖執千戶張武義與楓林賊合福建行省兵大破之陳機察邱大老張順等以其黨降行省請斬之以警眾事下樞密院議范文虎曰賊固當斬然既降乃殺之何以示信宜並遣赴闕從之建甯賊黃華弟福結陸廣馬勝復謀亂事覺皆論誅通鑑後編元通鑑

以王輝為福建閩海道提刑按察使輝上言曰福建所轄郡縣五十餘連山距海實為邊徼要地而民情輕詭自平宋以來官吏貪殘故山寇往往嘯聚愚民因而蟻附剽掠村落官兵致討復蹂踐之甚非朝廷一視同仁之意也今雖不能一一擇任守令而行省官僚如平章左丞尙闕宜特選清望素著文足以撫綏黎庶武足以折衝外侮者使鎮靜之庶幾治安可期也惟黜官吏貪汙者數十人察繫囚之冤滯者決而遣之戒戍兵無得寓民家別創營屋居之民得少安續通鑑

興化路仙遊賊朱三十五集眾寇青山萬戶李綱討平之元通鑑

二十七年二月癸未泉州地震丙戌復震元史五行志

三月放罷福建獵戶沙魚皮戶為民以其事付有司總之
併福泉二州人匠提舉司為一仍放無役者為民

五月江西行省言吉贛湖南廣東福建以禁弓矢賊益發乞依內郡例許
尉兵持弓矢從之以上世祖紀

泉州南安賊陳七師反討平之通鑑後編

六月泉州大水全

九月福建省以管內盜賊蜂起請益戍兵命江淮省調下萬戶一軍赴之

世祖紀

十一月江淮行省平章不憐吉帶言福建盜賊已平世祖紀

二十八年二月改福建行省為宣慰司隸江西詔行臺勿聽行省節度通鑑

後編類編

立江淮湖廣江西四川等處行樞密院詔諭申外江西治汀州世祖紀

七月中書右丞崔彧遷御史中丞言行御史臺言建甯路總管馬謀因捕

盜延及平民擄掠多至死者又俘取人材迫通處女受民財積百五十錠
獄未具會赦馬謀以非罪殺人不在原例宜令行臺詰問定罪續通鑑

八月罷泉州至杭州海中水站十五所世祖紀

二十九年正月江西行省左丞高興言江西福建汀漳諸處連年盜起百

姓入山以避今次第就平乞降旨招諭復業又福建鹽課酒稅銀鐵各立

提舉司實為冗濫請罷去詔皆從之通鑑後編元通鑑

罷福建銀鐵提舉司禁商賈私以金銀航海類編

河南福建行中書省臣請詔用漢語有旨以蒙古語諭河南漢語諭福建

世祖紀

二月以泉府太卿亦黑迷失失鄧州舊軍萬戶史弼福建行省左丞萬興並

為福建行省平章政事將兵征爪哇用海船大小五百艘軍士二萬人通鑑

後編

六月以征爪哇暫禁兩浙廣東福建商賈航海者俟舟師已發後從其便

上全

閏六月罷福建歲造象齒鑿帶世祖紀

八月初福建參知政事魏天祐獻計發民一萬鑿山煉銀歲可得萬五千

兩天祐乃賦民鈔市銀兩輸官而私其百七十錠至是臺官以聞請追其

贓而罷銀冶從之通鑑後編元通鑑

討浙東孟總把等賊敕諸軍之駐福建者聽平章政事閻里節度世祖紀

亦黑迷失乞與高興等同征爪哇帝曰亦黑迷失惟熟海道海中事當付

之其兵事則委之史弼可也乃以弼為福建行省平章政事統領出征軍

馬通鑑後編元通鑑

十二月汀漳劇盜歐狗久不平福建行省平章徹爾引兵征之號令嚴肅

所過秋毫無犯有降者則勞以酒食而慰遣之曰吾意汝豈反者耶良由

官吏污暴所致今既來歸即為平民吾安忍罪汝其返汝耕桑安汝田里

毋恐它柵聞之悉款附未幾歐狗為其黨縛致梟首以徇脅從者不戮一

人汀漳悉平

續通鑑

部呈福建省征爪哇所設人吏出征廻還俱同考滿

元史選舉志

三十年正月敕福建旡進鷓

通鑑後編

四月行太司農燕公楠翰林學士承旨留夢炎言杭州上海澈浦温州慶元廣東泉州置市舶司凡七所唯泉州貨物三十取一餘皆十五抽一乞以泉州爲定制從之

上

史弼等之征爪哇也以上年十二月合諸軍發泉州風急濤湧舟掀簸士卒皆數日不能食過七洲洋萬里石塘歷交趾占城界正月至東董西董山牛崎嶼入混沌大洋橄欖假里馬答勾闌等山駐兵伐木造小舟以入

黑迷失高興分軍水陸並進亦黑迷失將水軍與將步軍會於八

節潤時爪哇與鄰國葛郎構怨爪哇王哈只葛達那加已爲葛郎所殺其

婿土罕必闍耶攻葛郎不勝聞弼等至遣使以其國山川戶口及葛郎國

地圖迎降求救弼與諸將進擊亦黑迷失邀賊於西南路不遇與擊其東

南路殺數百人餘衆奔山谷東南路賊復至興又敗之葛郎王遁歸其國
興言爪哇雖降倘中變與葛郎合則孤軍懸絕事不可測弼遂分兵二道
與興及亦黑迷失各將一道攻葛郎至荅哈城葛郎兵十餘萬迎敵自旦
至午葛郎兵敗入城自守葛郎王出降并取其妻子官屬以歸土罕必闌
耶乞歸易降表及所藏珍寶入朝弼與亦黑迷失許之興力言其失計弗
聽遣萬戶二人以兵護送土罕必闌耶果殺二人以叛乘軍還夾路攘奪
興力戰以出弼自斷後且戰且行行三百里得登舟行六十八日夜達泉
州士卒死者三千人以所得金字表及金銀犀象等進經世大典序
錄續通鑑

七月詔免福建歲輸皮貨及泉州織作紵絲

世祖紀

八月敕福建行省放爪哇出征軍歸其家

世祖紀

三十一年五月升福建鹽提舉司爲鹽轉運司增捕私鹽人賞格

元史成宗紀

成宗元貞元年三月

類編作二月

罷福建銀場提舉司其歲額銀以有司領之

成宗紀

二年七月雲南福建官吏滿任者准給驛歸類

福建廣西兩江道饑賑粟有差成宗紀

九月徵浙東福建湖廣夏稅上

大德元年二月改福建省為福建平海等處行中書省徙治泉州平章高

興言泉州與瑠求相近或招或取易得其情故徙之通鑑後編

減福建提舉司歲織段三千疋其所織者加文織增其歲輸納服二百其

車渠帶工別立提舉司掌之

十一月福建行省遣人覘瑠求國俘其傍近百人以歸

十二月旌表烈婦漳州招討司知事闕文興妻王氏以上成宗紀

閏十二月福建平章高興言漳州漳浦縣大梁山產水晶乞割民百戶採

之帝曰不勞民則可勞民則勿取綱鑑會纂通鑑後編

二年正月置汀州屯田成宗紀

二月立軍民宣慰司都元帥府於福建上

改泉州為泉甯府通鑑後編

三月詔各省合併鎮守軍福建所置者合為五十三所元史兵志

五月命中書省遣使監雲南四川海北海南廣西兩江廣東福建等處六

品以下選成宗紀

三年二月罷四川福建等處行中書省置四川福建宣慰司都元帥府通鑑

後編

五月以福建平海省平章政事闊里吉思為平章政事成宗紀

復立征東行中書省高麗國王王昫既復位而使臣自其國還者言昫不

能服其眾乃復立征東行省以福建都元帥奇爾濟蘇為平章政事共理

之續通鑑

六月以福建州縣官類多色目南人命自今以漢人參用禁福建民冒稱

權豪佃戶規免門役成宗紀

五年二月類編作罷福建織繡提舉司通鑑後編

十月遣使就調雲南四川福建廣東廣西官

六年五月福州路饑賑以糧一萬四千七百石

七年三月詔遣奉使宣撫循行諸道以木八刺陳英在江西福建並給二品銀印仍降詔戒飭之

七月御史臺臣言前术甲德壽坐贓罷今以迭里迷失妄奏其被誣復除福甯知州並宜改正不敘以戢姦貪從之

九年五月遣官調雲南四川福建兩廣官

十年正月封駙馬合伯爲昭武郡王

二月江西福建道奉使宣武塔不帶坐贓遇赦釋其罪終身不敘以上成宗紀

十一年五月建州大雨雹元史武宗紀

遷授中書左丞欽察福建道宣慰使也先帖木兒爲中書參知政事

七月遣瞻思丁使西域遷授福建道宣慰使

武宗至大元年九月太尉脫脫奏泉州大商口只鐵卽刺進異木沈檀可

構宮室者救江浙行省驛致之

泉州大商馬合馬丹的進珍異及寶帶西域馬以上武宗紀

二年七月太子命福建取繡工童男女六人王約言曰福建去京師六七

千里使人父子相離有司承風動擾豈美事耶太子即命止之續通鑑

三年十月江浙省臣言今歲運三百萬漕舟不足遣人於浙東福建等處

和顧百姓騷動請以馬合謀但的為遣授右丞海外諸蕃宣慰使都元帥

領海道運糧都漕運萬戶府事制可武宗紀

四年二月罷福建編匠提舉司通鑑後編

旌表漳州長泰縣民王初應孝行元史仁宗紀

仁宗皇慶元年二月賜世祖諸皇子也先鉄木兒福州路福安縣脫歡之

子不荅失里福州路甯德縣忽都魯鉄木兒之子泉州路南安縣愛牙赤

之子邵武路光澤縣戶並一萬三千六百有四食其歲賦

十一月調汀漳番軍代亳州等翼漢軍于本處屯田

建福元年三月改南劍路曰延平劍浦縣曰南平以上仁宗紀

二年五月復立行御史臺其江南行臺統建康浙東浙西海右湖北湖南

廣東廣西海北閩海十道為南臺各設廉訪司元史類編

八月初張閻等往江浙江西河南經理民田特們德爾復下令括民田增

稅而龜智密楚音在江西酷虐尤甚居民怨毒入骨贛州民蔡五九等遂

率眾寇抄汀漳諸路陷甯化縣據之稱王建號詔遣江浙行省平章張閻

討之擒斬五九餘黨悉平臨汀彙攷仁宗紀續通鑑

案彙攷以為元年事無月分仁宗紀以張閻為張驢續通鑑以為章律

皆一音之轉

十二月旌表汀州甯化縣民賴祿孫孝行元通鑑綱鑑會纂

五年四月敕安遠王醜漢分地隸建甯者七縣汀州者三縣達魯花赤聽

其自辟仁宗紀

六年正月敕福建兩廣雲南甘肅四川軍官致仕還家官給驛傳如民官

例通鑑後編

七年三月上英宗即位赦天下兩廣福建等處嘯聚賊徒詔書到日限六日

內出官自首許免本罪限外不悛依常收捕新元史英宗紀

十一月和林昔肅雲南四川福建廣海新州漢軍除常例外每名給布一

疋死者給燒埋銀全

至治二年三月復置市舶提舉司於泉州慶元廣東三路禁子女金銀絲

綿下番通鑑後編

三年正月泉州劉通鑑後編應總作亂命江浙行省遣兵捕之元通鑑

九月南康漳州二路水英宗紀

免福建蠶戶差稅一年元史食貨志

泰定帝泰定元年三月賜諸王徹徹禿永福縣戶萬三千六百為食邑仍

置王傅元史泰定帝紀

七月罷廣州福建等處採珠蠶戶為民仍免差稅一年元朝典故編年攷

十月遣兵部員外郎宋本吏部員外郎鄭立阿魯灰工部主事張成太史院都事費著分調閩海兩廣四川雲南選泰定帝紀

二年四月南安等路饑賑糶有差泰定帝紀

九月分天下為十八道遣使宣撫以江東道廉訪使朶列禿太史院使齊

履謙之江西福建道黜罷官吏之貪汙者四百餘人蠲免括地虛加糧數

萬石州縣有以先賢子孫充防夫諸役者悉罷遣之福建憲司職田每畝

歲輸米三石民不勝苦屢謙命準令輸之由是召怨及還京憲司果誣以

它事未幾誣履謙者皆坐事免屢謙始得直復為太史院使泰定帝紀續通鑑

三年三月泉州民既感于作亂寇陷城邑軍民官失射坐罪類編

五月罷造福蓮歲供蒸麥以西僧馳驛擾民禁之泰定帝紀

文宗天曆元年十一月日本船商至福建博易者江浙行省選廉吏征其

稅元史文宗紀

至順元年七月福州王薦以隱逸旌其門通鑑後編

九月漳州龍溪縣陳必達以孝行旌其門

文宗紀

十二月范梈遷福建閩海道知事閩俗素汙文繡局取良家子為繡工無

別尤甚梈作歌詩述其弊廉訪使取以上聞皆罷遣之

通鑑後編

二年二月立廣教總管府以掌僧尼之政凡十六所曰浙東福建道秩正

三品府設達魯花赤總管同知府事判官各一員宣政院選留內官擬注

以聞總管則僧為之

文宗紀

三月以儒學教授監選者多凡仕由陝西兩廣者注福建

類編

御史臺臣劾奏燕高唐訪使小咱兒前為閩海廉訪使受贓累萬雖遇赦

原乞追奪制命籍沒流竄詔如所言仍暴其罪示天下

通鑑後編

九月海南賊王周糾率十九洞黎蠻二萬餘人作亂命調廣東福建兵隸

湖廣左丞移刺四奴統領討捕

通鑑後編

順帝元統元年六月泉州霖雨溪水暴漲漂民居數百家

元史五行志

二年四月贈漳州萬戶府知事關文興英毅侯妻王氏貞烈夫人廟號雙

至元元年三月延平順昌縣嘉禾生一莖五穗五行志

是歲邵武建甯饑全上

三年六月彗出紫薇垣數十丈凡十餘日占者以為應在後既而李智作

志甫羅天麟亂于閩漳皆討平之庚申外史

四年六月漳州路南勝縣民李志甫聚眾圍漳州城守將搠思監與戰失

利賊轉掠龍溪縣民蕭景茂結鄉兵拒之戰敗被執罵賊死有司上其事

朝廷命褒表之仍給錢以葬時賊勢益盛詔江浙平章別不花發閩浙江

西廣東四省兵討之不克龍巖尉黃佐才與賊戰妻子四十餘口皆被害

而州人陳君用襲殺李志甫事聞授佐才龍巖縣尹通鑑後編元資治通鑑

五年六月汀州長汀縣大水平地深三丈餘沒民廬舍八百家壞民田二

百頃死者八千餘人戶賦半錠死者一錠五行志綱鑑會纂

七月邵武光澤縣大水五行志

六年二月福甯州大水溺死人民每戶賑米兩月

順帝紀
食貨志

三月赦漳潮二州民為李志甫劉虎仔脅從者之罪褻贈軍將死事者

通鑑

後編

以漳州義士陳君用襲殺李志甫授同知漳州路總管府事

五月漳州龍巖尉黃佐才獲李志甫餘黨鄭子箕

順帝紀

七月延平南平縣淫雨水泛漲溺死百餘人損民居三百餘家壞民田二

頃七十餘畝

至正三年秋建甯浦城民家家生豚二尾八足

四年福州大旱三月不雨至於八月興化邵武皆旱

福州邵武延平汀州四郡夏秋大疫

五年夏邵武饑

以上五行志

十月遣官分道奉使宣撫布宣德意詢民疾苦體察官吏賢否明加黜陟

江西福建道以雲南行省右丞散散將作院使王士弘為之國子典簿孟

六年六月汀州連城縣民羅天麟陳積萬叛陷長汀縣福建元帥府經歷

真實萬戶廉和尚等討之通鑑後編

八月延平路火燒官舍民居八百餘區死者五人五行志

浙江行省右丞忽都不花江西行省右丞禿魯討汀州賊新元史本紀

九月邵武地震有聲如鼓至夜復鳴綱鑑會纂

克復長汀順帝紀通鑑後編類編臨汀彙攷

羅天麟陳積萬之亂乘勝劫掠六縣皆為殘破十月其徒羅德殺天麟積

萬來降以首級送官餘黨悉平是役蓋合福建浙江江西三路同討也漳

州總管同知陳君用亦助破天麟臨汀彙攷

八年三月百官志又以福建盜起地遠難於討捕詔汀漳二州分立元帥

府鎮之順帝紀

遣使銓閩廣蠻彝等處官選順帝紀

十一月台州黃巖民方國珍

輟耕錄諸書或作谷真或作谷珍

入海為亂國珍世以販鹽

浮海為業時有蔡亂頭者行剽海上有司發兵捕之國珍怨家告其通寇

國珍殺怨家遂與兄國璋弟國瑛國珉亡入海

元史台哈布哈傳云方國珍為蔡亂頭王伏之讎通

遂入海

聚眾數千人劫掠漕運執海道千戶德流于實事聞詔江浙參政

朶兒只班總舟師捕之追至福州五虎門國珍知事危焚舟將遁官軍自

相驚潰朶兒只班遂被執國珍迫其上招降之狀朝議授國珍定國尉元

台哈布哈傳云國珍兄弟皆授之以官

將治朶兒只班之罪樞密參議歸暘曰將臣失利罪

之固當然所部皆北方步騎不習水戰是驅之死地耳宜募海濱之民習

水利者擒之今國珍遣人請降決不可許國珍已敗我王師又拘我王臣

力屈而來非真降也必討之以示四方朝廷方事姑息卒從其請國珍竟

不肯赴勢益猖獗帝遣禮部尚書秦不華察實以聞秦不華既得其狀遂

上招捕之策不聽

通鑑後編續通鑑

是年福安寨寇攻掠政和李鉉與寇戰於泗州橋橋兵潰被劊死彭庭堅率

都元帥吳鐸檄平寇留守政和是時軍士驕橫庭堅御以法庭堅所部李

伯兒輩不能安攻殺庭堅監察御史俞嘉賓討伯兒黨悉誅之政和縣志藁

九年七月永春大風雨南京山崩壓死者甚衆五行志

十年十月泉州安溪縣後山鳴上全

寇入政和縣尉馬哈麻率兵拒戰弗利被執死之政和縣志藁

十一年三月徵建甯處士彭炳為端本堂說書不至順帝紀

十一月類編作十月建甯浦城縣雨黑子如稗實五行志

邵武大雨震電雨黑黍類編作十月事如蘆稔全

十二月閩寇犯處州檄石抹宜孫以兵討之續通鑑

十二年四月江西宜黃賊塗佑與邵武建甯賊應必達等攻陷邵武路總

管吳按攤不花以兵討之千戶魏淳以計擒佑必達復其城順帝紀

徐壽輝將王善自邵武間道逼福甯州知州雷化王伯顏與其子相監州

阿薩都喇判官張贊賢戰敗均死之通鑑後編臨江集攷

元... 七月王善康壽四江一蠻等陷福安甯德等縣通鑑後編

八月方國珍率其眾攻台州城浙東元帥也忒迷失福建元帥黑的兒擊

退之通鑑後編

是年盜起海上勢且及汀汀州判蔡公安募吏士乘城福清人陳友定以

明溪驛卒談軍事公安奇之授黃上寨巡檢從討延平邵武諸山賊平之

遷清流簿尋為清流令明史紀事本末

初甯化土賊曹柳順據曹坊擁眾萬人竊民諸縣一日遣先鋒八十八人

往明溪取馬眾莫敢拒時陳友定為明溪寨兵牌計取其兵器盡殄之柳

順怒親率步騎數千將屠明溪友定乘柳順營自驚急馳擊之斬獲殆半

遂進圍曹坊擒柳順以歸事聞授友定明溪巡檢以次平諸寇之據堡砦

者甯化縣志汀州府志

西里寨寇擾亂政和縣尉葉景仁陞浦城尹奉檄討之值歲饑軍憊景仁

出賞節士士願為之死遇賊戰於南里殪其魁餘悉宥之民以安集政和縣志

是年福建妖賊入處之龍泉處婺大震憲司起沿海萬戶石抹宜孫領征討事至龍泉募鄉兵擊賊走之未幾賊入慶元石抹掩擊復慶元進攻建甯之松溪政和皆克之誠意伯集

案續通鑑以為十一年十二月事

十三年秋邵武光澤縣隕霜殺稼五行志

七月泉州天雨白絲海潮日三至通鑑後編

是年江西賊帥王善寇閩官軍守羅源縣拒之羅源與連江接壤勢將迫

連江寧善鄉劉濬募兵拒賊戰敗死之子健散貲結死士復父讎事聞

濬福建行省檢校官授健古田縣尹為濬立祠通鑑後編

泉州大饑泉民皆就食於永春尹盧琦存活無算通鑑後編

葉景仁進搗西里巢穴決戰於蛟龍橋屢勝之乘銳深入無援被執死政和

縣志

十四年春閩海福州邵武汀州皆大饑人相食五行志

泉州種不入土人相食全

十五年正月宗王扎牙失里守禦興化順帝紀

四月中書省臣言江南因盜賊阻隔所在闕官宜遣人與各省及行臺官

以廣東廣西海北海南三品以下通行遷調五品以下先行照會之任江

浙行省三年一次遷調福建等處闕官亦依前例從之通鑑後編

十六年正月改福建宣慰使司都元帥府為福建行中書省通鑑後編

十七年三月義兵萬戶賽甫丁阿迷勒丁叛據泉州順帝紀

罷福建山東食鹽額海被災圍田稅通鑑後編

十八年五月陳友諒遣部將康泰邵宗邵克明等以兵寇邵武通鑑後編

八月江浙行省平章三旦八討饒州貪財玩寇久而無功遂妄稱遷職福

建行省至福建為廉訪僉事般若帖木兒所劾拘之興化路通鑑後編

九月詔以福建行中書省平章政事慶童為江南行臺御史大夫順帝紀

命經畧使問民疾苦招諭叛逆果有怙終不悛總督一應大小官吏治兵

袁粟精練士卒審用成算申明明紀律先定江西湖廣江淞福建諸處併力
犄角務收平復之効不尙屠戮之威百官志

十一月陳友諒遣其將邵克明寇汀州總管陳友定禦之戰獲其部衆克
明逃去友定遷行省參政明史紀事本末 徐氏海隅集

案紀事本末以為十九年專明史通鑑後編海隅集皆以為已破汀州

十九年四月建甯路甌甯縣有星墜於營山前其聲如雷化為石五行志

五月禮部議萬試解額依元額減半既而福建鄉試取江西流寓者十五

人續通鑑

是年京師大饑秋福建運糧數十萬至京師先是朝廷以張士誠內附封

太尉且以歲饑遣使督海運糧儲于京師時張士誠據浙西方國珍據浙

東有船二家攻戰不和糧竟不至至懇福建濱海又為王士獨能運糧至京

師由是京師民再活庚申外史

九月吳遣博士夏煜授方國珍福建行省平章參政國珉僉樞密分院事

各給符印仍以所部兵馬城守候命征討續通鑑

十一月陳友諒兵陷杉關順帝紀

二十年二月福建行省參政袁天祿遣古田縣尹林文廣以書納款於吳

時義兵萬戶賽甫丁阿里迷丁據泉州陳友諒兵攻邵武汀州延平諸郡

縣羣盜乘勢竊發閩地騷動天祿知國勢不振故由海道納款於吳而福

清州同知張希伯亦遣人請降吳國公皆厚賞之遣招諭通鑑後編

延平順昌縣地震五行志

十月興化路地震有聲如雷五行志

二十一年鄧克明復寇汀州陞以定逆戰敗之遂開官于汀州遷左丞明史

紀事本末

八月以福建行省平章政事普化帖木兒為江南行臺御史大夫順帝紀

十一月關先生等陷高麗東都高麗王伯顏帖木兒奔福州新元史惠宗本紀

二十二年夏元以陳友定守汀州友定兵勢日盛郡縣倉庫悉入其家元

行省平章燕只不花擁虛位而已

明史紀事本末

五月泉州賽甫丁據福州路福建行省平章政事燕只不花擊敗之餘衆

航海還據泉州

順帝紀

二十三年正月福州連江縣有虎入於縣治

五行志

六月中書省奏江浙福建舉人涉海道赴京有六人者已後會試期宜授

以教授之職其下第三人亦授教授非徒慰其跋涉險阻之勞亦以激勵

遠方忠義之士從之

續通鑑

二十四年陳友定開省延平遷行省平章政事方國珍來寇擊敗之

明史紀事本末

本末

七月福州白晝獲虎於城西

五行志

二十五年二月陳友定侵處州吳參軍胡深擊之遁又追敗之己丑遂下

浦城

明史紀事本末潛菴史稿

四月吳胡深進攻建甯之松溪克之獲陳友定守將張子玉而還

劉辰國初事蹟

作張正今從留元帥李彥文安輯其眾明史紀事本末續通鑑

五月吳胡深言近克松溪獲張子玉其餘眾敗奔崇安請發廣信撫州建

昌三路兵竝攻之因規取八閩吳王曰子玉驍將今為我擒彼必破膽乘

勢攻之必無不克即命廣信指揮朱亮祖由鉛山建昌左丞王溥由杉關

會深進兵明史紀事本末續通鑑

胡深等進兵克浦城遂與友定將賴元帥大戰于浦城之南敗之明史紀事本末

六月胡深朱亮祖合攻崇安建陽克之遂進攻建甯時陳友定將阮德柔

嬰城固守諸軍次城下亮祖即欲攻之深恐不利亮祖迫深進兵深猶持

不可會德柔以兵四萬屯錦江逼深陳後亮祖督戰益急深不獲已遂引

兵鼓譟而進破其二柵德柔盡率精銳扼深軍圍之數重日已暮深突圍

出伏兵起深馬蹶被執送於友定友定敬禮之深因盛稱吳王神聖威武

羣雄屬心以喻友定友定亦無殺深意會元使至督迫之遂遇害明史紀事本末

閏十月御史大夫完者帖木兒奏江南諸道行御史臺衙門嘗奉旨於紹興路開設近因道梗宜於福建置分臺給降印信俾湖南湖北廣東廣西海北江西福建各道文書由分臺以達內臺於事體為便從之百官志

二十六年三月吳處州青田縣山賊夏清連福建陳友定兵攻慶元縣吳浙東按察僉事章溢召所部義兵擊走之續通鑑

七月泉州同安縣大雷雨三秀山崩五行志

八月以陳友定為福建行省平章政事人代紀要作三月事友定至是事

有福建八郡之地數招致文學知名士如閩縣鄭定廬州王翰之屬留置

幕府然頗任威福所屬違令者輒承制誅竄不絕福清宣德慰使陳瑞孫

崇安令孔楷建陽人詹翰拒友定不從皆被殺於是友定威震八閩然亦

朝廷未嘗失節歲運糧數十萬至大都時陸路已絕友定多由海道取登

萊至者常十三四帝嘉之下詔褒美明史紀事本末續通鑑

十月興化地震如雷丙丁龜鑑續錄

十二月友定建甯守將阮德柔遣使納款於吳明史紀事本末

二十七年五月以空名宣勅遣付福建行省命平章政事曲出陳有定

驗有功者給之順帝紀

福建行宣政院以廢寺錢糧由海道送京師順帝紀

八月地大震武平尤甚壓死官吏民七千餘人壞倉庫局四百餘櫪民居

不可勝計綱鑑會纂

十月鴻猷錄作吳王命中書平章胡廷美潛菴史稿作廷瑞為征南將軍

江西行省左丞何文輝為副將軍率吉安甯國南昌等兵由江西征福建

以湖廣參政戴德從征諭廷美曰汝以陳氏丞相來歸忠實無過故命爾

總兵何文輝戴德皆吾親近之人然勿以此廢法征戰一以軍法從事聞

汝往年嘗攻閩中必深知其地理險易攻圍城邑擇便利進退勿失機宜

爾其勉之鴻猷錄明史紀事本末潛菴史稿

福州雷雨地震五行志

十一月壬寅

明政統宗作十二月不從

廷美等引兵度杉關閩中大震遂下光澤己酉

攻邵武元將李宗茂以城降丁巳克建陽元守將曹復疇亦降戊午命征

南將軍湯和副將軍廖永忠率舟師自明州由海道取福州吳王以征關

事問章溢溢對曰兩道進兵此固必勝然閩人尤服李文忠威信若令文

忠更引一軍從浦城取建甯此萬全計也上即命文忠出師浦城以溢

子存道率鄉兵從征

鴻猷錄明史紀事本末潛菴史稿丙丁龜鑑續錄鳳洲筆記

辛酉吳廣信衛指揮沐英破分水關略崇安縣克之

續通鑑

庚午

潛菴史稿作戊辰

湯和克福州初友定環福州城外皆築壘為備每五十步

更築一臺嚴兵守之聞吳師入杉關乃留同僉賴正孫副樞謝英輔院判

鄧益以衆二萬守福州友定自率精銳守延平時湯和偕廖永忠吳禎等

自明州乘東北風不數日奄至福州五虎門駐師南臺遣人入城招諭為

元平章曲出所殺大兵登岸將圍城曲出領衆出南門拒戰指揮謝得成

等擊敗之衆潰入城拒守是夜參政袁仁密遣人納款黎明大兵蟻附登

城遂開南門和擁兵入鄧益拒戰于水部門擊殺之正孫英輔自西門出
走延平曲出搭海木兒抗者不花左丞鄧任中丞鐵木烈思等皆懷印綬
挈妻子遁去參軍尹克仁赴水死時僉樞栢鐵木兒居官聞大軍攻城急
曰戰守非吾得爲無以報國乃積薪樓下殺其妻妾及兩女縱火焚之遂
自刎湯和入省署撫輯軍民獲馬六百餘匹海舟一百五艘糧一十九萬
餘石和遣袁仁暨員外余善招諭興化漳泉諸路其福甯等州縣之未附
者分兵徇之

明史紀
事本末

吳王欲令章存道率所部鄉兵北征溢持不可曰鄉兵本農人征闕時許
以事平散使歸農今調之北征是爽信也上初不懌旣而從溢言以昔曾
叛者充軍餘悉還農

鴻猷
錄

明一

太祖洪武元年

元至正二十八年

正月元興化守將葉萬戶葉州遁者民李子成

等率眾詣湯和降和遣都指揮俞良輔往守之於是莆田等十三縣皆降

和進攻延平

明史紀事本末

胡廷美何文輝等率師至建甯元守將同僉達里麻參政陳子琦集僚佐

謀曰聞明兵驍勇自入杉關諸鎮望風瓦解其鋒不可當今吾城中軍士

不下萬餘儲蓄尙富可以拒守不可與戰彼攻吾城不克必將自逸吾因

而乘之可以得志眾皆曰然出是備禦甚堅廷美等進圍之數挑戰達里

麻等固守不出廷美督兵環其四門晝夜急攻之達里麻不能支夜潛至

副將軍何文輝營納款詰旦總管翟也先不花亦率眾詣文輝降廷美怒

二人不詣已欲屠其城文輝曰與公同受命至此爲安百姓耳城降欲以

私忿殺人可乎乃止壬辰整軍入秋毫無犯執參政陳子琦送京師獲將

士人馬銀糧以萬計命指揮費子賢領兵守之上

湯和廖永忠等進兵取延平垂發先遣使招諭友定友定大會諸將殺使

者取血置酒中盟諸將慷慨飲之誓以死報元續通鑑以爲去年十一月事不從大兵遂

至延平隔水而陣分一軍渡水攻其西門友定戰不利歸謂諸將敵千里

遠闔氣銳慎毋戰戰徒殺吏士耳吾壙山塹壑蓄犀噐飽士爲持久計困

之衆曰善遂乘城守日夜勒吏士擊刁斗被甲偶立不得更番休息守者

怨甚會諸將欲出戰友定不許數請不已有定遂疑其部將蕭院判劉守

仁携貳收院判殺之奪守仁兵守仁降士卒多踰城走者圍十日城中軍

局火炮聲發明兵疑有應急擊破之友定知事已迫乃與樞密副使謝英

輔參政文殊海牙訣曰公等善爲計吾爲元死耳坐省堂按劍仰藥飲盡

資治通鑑綱目英輔與達魯花赤白哈麻具服北嚮拜自經死文殊海牙

賴正孫等開門降庚子大兵入城輿友定出俄值大雷雨復蘇其子海自

將樂來就死並執送京師太祖面詰曰元已亡若爲誰守殺我胡將軍又

不內使者今何憊也友定厲聲曰死耳毋多談遂併其子棄市全上明外史

置延平衛廷美以部將蔡玉守之明史紀事本末

延平既下二月湯和下漳州漳州路遠魯花赤德爾密實自殺時稱閩有

三忠謂友定柏鐵木兒德爾密實也胡廷美等遣建陽降將曹復疇招諭

汀州及甯化連城等縣元汀州守將陳國珍納款於是泉州漳州郡縣相

繼降資治通鑑綱目三編明史紀事本末

六月甲午友定故將金子隆馮谷保等復率眾寇延平蔡玉擊敗之追至

沙縣青雲寨子隆負險自守會建甯指揮沐英攻鉛山上命以英兵會和

丙寅英引兵夾攻破閩谿諸砦擒谷保移鎮福甯節制邵武延平汀州二

衛戊辰命平章李文忠率兵討金子隆等閏七月文忠帥師攻清流甯化

諸山寨擒子隆及其餘黨誅之閩地悉平明史紀事本末

案明鑑會纂以克福州為今年二月事明政統宗以克延平為四月事

初學集作五月事

木溪寨寇起猝至政和閩邑驚走縣署焚燬政和縣志

太祖取婺州後拜方谷真福建行省平章事鈍翁續稟

二年倭寇山東淮安明年再入轉掠閩浙東西洋考

三年六月日本寇福建濱海州縣明史太祖紀

四年建中都太社壇取五方土以築浙江福建廣東廣西進赤土明史

五年命浙江福建造海舟防倭明史

三月以李友諒為福建行省參政

五月詔閩廣豪家私官男子役使者沒官為奴

以海淵為福建行省參政以上潛菴史稿

八月倭寇福甯及海上諸郡潛菴史稿明史外國傳

洪武間遣信國公湯和等沿海規畫自南直隸山東浙江福建廣東西咸

置行都司以備倭為名舟州山人稿

七年詔以靖海侯吳楨為總兵領江陰廣洋橫海水軍四衛舟師出海巡

哨所統京衛及太倉杭州温台明福建漳泉廣東潮州諸衛官軍悉聽節制國朝文錄

八年禮部尚書牛諒言外國山川非天子所當親祀中書及禮臣請附祭

於各省從之福建附祭日本琉球渤泥明史

改在京留守都衛爲留守衛指揮使司在外都衛爲都指揮使司凡十三

福建第八明史

九年三月詔以儲蓄有餘免福建等處今年租賦明政統宗

諭福建承宣布政使司參政魏鑑鑾詔有曰若爲官布政權無馭吏卒之威則諸事不成蓋吏卒能爲股肱爪牙若馭以得法諸事辦集方今孰能爲此忽九年秋丞相奏福建兩參政致極刑於老吏朕聞當哉若不如律加捶死有何他論故在諭之今後凡有不如律者尤加急治毋令欺侮方

稱是官明太祖文集

十三年十二月福州府地震明史五行志

十四年八月遣趙庸討閩廣盜平之

通鑑綱目三編

十五年十一月福州衛請造戰船帝曰幸天下無事造戰船何為

潛菴史稿

十七年起信國公湯和於家使巡視浙江福建沿海城池是年江夏侯周

德興亦築福建海上十六城置巡司四十有五按籍練民兵十餘萬戍並

海衛

國朝文錄

二十年四月命江夏侯周德興往福建濱海四郡相視形勢衛所城不當

要害者移置之民戶丁三取一以充戍卒乃築城一十六增巡檢司四十

五得卒萬五千餘人分隸諸衛

明史紀事本末

二十四年九月免建寧歲貢龍團茶

潛菴史稿

十月賜福建耆民酒肉絮帛上

二十六年定充軍者福建人發雲南四川屬衛

明史職志

二十七年福建興化衛吏何得時父喪不丁憂奉旨特將凌遲示衆都察

院出榜文

鳳州筆記續集

二月命驃騎將軍僉前軍都督府事馬鑑幹福建廣東軍務五月卒於漳

州甘棠驛劉坦齋文集

二十九年琉球遣使來貢嘉其修職勤賜閩中舟工三十六戶以便貢使

往來明史

洪武間賜閩人三十六姓為琉球通事鹿漢書錄

惠帝建文元年六月西平侯沐晟奏改封雲南岷王榘太祖第十八子有罪廢為

庶人徙漳州明史諸王傳

四年八月行都司都督同知韓觀練兵江西節制廣東福建明史成祖紀

初建文元年吳王允熲封國杭州未之藩成祖即位降為廣澤王居漳州

未幾召還京廢為庶人錮鳳陽明史

成祖永樂三年六月命三保太監鄭和及其偕王景弘等通使西洋將士

卒二萬七千八百餘人多齎金幣造大船修四十四丈廣十八丈者六十

二自蘄州劉家河泛海至福建復自福建五虎門揚帆首達占城以次徧

歷諸番國浪跡叢談

四年福建清民言光賢里官民田百餘頃堤障海水堤壞久田盡荒永樂中

常命修治迄今未舉民不得耕帝責有司亟治而諭尚書吳中嚴飭郡邑

陂池堤堰及時修濬慢者治以罪明史河渠志

六年正月江西建昌撫州福建建甯邵武自去年至是月疫死者七萬八

千四百餘人明史五行志

二月福建奏栢樹生花二申野錄

八年邵武比歲大疫至是年冬死絕者萬二千戶五行志

十月倭寇福州成祖紀

九年正月命豐城侯李彬平江伯陳瑄等率浙江福建舟師勦捕海寇明史

紀事本末

十四年七月福甯延平邵武俱溪水暴漲壞城垣房舍溺人畜甚眾五行志

十五年八月歐帝舉人進金丹帝曰此妖也令自餌之毀其方書成祖紀

仁宗洪熙元年五月建文帝自閩粵還鶴慶山

明鑑會纂

宣宗宣德元年詔遣官出釐各省軍籍張宗璉往福建

明史

三年福建妄男子樓濂詭稱七府小齊王謀不軌事覺械至京誅其黨數百餘人

明史

宣德中閩有沙尤之警

潛學編

英宗正統九年七月麗水盜陳善恭慶元盜葉宗留合眾盜福建寶峰場

銀冶殺福建參議竺淵命浙江福建有司捕治之

明史紀事本末明史英宗紀

案紀事本末以為七年十二月事

十年夏福建大水壞延平府衛城沒三縣田禾民舍人畜漂流無算

五行志

十一年三月御史柳華督福建浙江江西兵討礦賊

明史

十二年二月葉宗留聚眾盜掘少陽坑數月計所獲微甚棄去九月率眾

之雲山遍掘諸坑場無所得還慶元居數日在政和掘少亭坑亦不給用

謂其徒曰以吾之眾即索金於市易耳何至自疲山谷間常不給也眾從

之時已數百人遂掠政和縣及村落遣召龍泉良葛山人葉七爲軍師由

浦城劫建陽所過焚掠從者益衆

明史紀事本末

正統十三年

一作十二年

二月

一作四月

鄧茂七反茂七本江西建昌人

一作沙縣民初

名雲殺人亡命入閩至甯化依豪民陳正景漸恣橫先是巡按御史柳華檄各郡縣凡城郭鄉村大小巷道首尾剏一隘門門上重屋各置金鼓器械鄉村大者立望高樓於四隅小則立於其中編各鄉民爲什伍設總小甲統率之夜則輪宿重屋鳴鼓擊柝不從令者聽總小甲究治由是總小甲各得自恣號召鄉人罔敢違者茂七與弟茂八皆編爲總甲嘗佃人田例於輸租外餽田主以新米雞鴨茂七始倡其徒革之又以輸租違者令田主自運歸不許輒送其家田主訴於縣縣逮茂七不至乃下巡檢追攝之因而殺其弓兵數人縣聞於上司調官軍三百人與之格鬪殺傷殆盡至是懼討乃刑白馬歃血誓衆遂舉兵反他縣游民皆舉金鼓器械應之初福建參政宋彰交趾人結納中官侵漁銀以萬計餽送王振遂陞左布

政抵任計營所費驗戶歛科貧乏者甚爲所迫不能聊生於是茂七因人
心搖動嘯聚窮民一呼而集烏合至十餘萬人茂七據陳山寨僭稱閩王
又自稱剽平王署官屬旋據杉關攻光澤下邵武至順昌與龔尤溪之熾
王蔣福成相應將攻沙縣及延平延平上其事八月命御史丁瑄勦撫瑄
偕藩臬諸使至延平遣同知鄧洪等帥兵二千往沙縣勦之福成遂與茂
七合拒官軍賊馬丁瑄乃遣使招諭令解散得免死茂七笑曰吾豈畏死
求免者吾取延平據建甯塞二關傳檄南下八閩誰敢窺焉殺資書使者
據貢川及玉臺銷締置里圖甲役遂據沙縣勢益猖獗御史張海始至延
平遣都指揮張某率兵四千往勦之行二十里至雙溪口道隘賊僅二十
餘人伏左右村店中俟兵過且盡都指揮後殿至賊伏猝起舉柵塞道
前驅不可返從兵不數十人賊遂縛都指揮并其從兵皆燼之前驅兵覺
還禦之無及官軍大潰茂七進攻延平張海登城諭之有緋衣賊曰我曹
苦富民魚肉有司不我直耳如朝廷宥我且立散乞免徭三年都指揮范

真等戰於城外衆潰真與指揮彭璽等俱死八閩騷動詔遣都督劉聚爲
總兵陳榮爲副都督陳詔一作劉得新爲左右參將僉都御史張楷監軍
九月張楷等師至南畿分遣劉得新率兵由江西道建昌會邵武楷率兵
由浙入閩括蒼寇葉宗留昨諸途陳詔與戰敗死楷請濟師命工部尙書
石璞都督徐恭督諸軍討之十一月指揮戴禮擊葉宗留斬之禮與都督
陳榮亦戰死初張楷以宗留道梗留不敢進福建遣使促楷師浙江藩臬
諸司請楷便宜移兵擊宗留江西御史韓雍亦言宗留近在咫尺門庭之
寇皆國家事豈可畫疆而計耶楷不知所從指揮戴禮願往勦之楷乃命
率兵五百往都督陳榮謂楷曰受朝命討賊今延平事急而鉛山不進大
軍密邇二寇逗遛不進乃遣一步將往朝廷知之何所逃罪耶楷然之遣
榮以二千人率禮等往禮先驅與賊遇於黃栢舖麾兵擊之死傷相半宗
留衣緋率衆前中流矢死官兵不知爲宗留也賊退奔入山復擁葉希八
爲渠魁劫車盤嶺悉衆駐十三都欲回浦城會陳榮兵亦至併戴禮軍搜

山至玉山十二都中伏燬禮皆死葉希八焚浦城還龍泉眾數萬人屯雲和麗水陶得二陝鑑胡俱率眾從之楷聞報方益兵進而劉得新已率江西兵敗茂七於建陽道始通楷遂間道入閩會劉得新等取道走建甯十二月守備處州監察御史朱瑛計擒賊黨周明松等尸於市時葉宗留黨周明松等四出剽掠金華武義崇安鉛山諸縣朝廷慮其與閩寇合命瑛及中官分守要地英榜諭脅從示以禍福降者甚眾以計生致明松等數人械於慶元謀報賊首黑面大王領眾三萬來規明松等中官大懼欲走瑛不爲動立誅明松等尸於市賊聞之逡巡遁去鄧茂七遣別將陳敬德吳都總等由德化永春安溪寇泉州知府熊尙初迎戰於五陵坡兵敗被執不屈死茂七以二千餘人攻建甯知府張瑛率建安典史鄭烈鄉兵吳保等合都指揮徐信分道乘霧襲斬五百餘拔其寨詔以瑛爲福建右參政

雙槐歲鈔明史紀事本末

十四年正月帝以閩師久無功聚等兵少詔以甯陽侯陳懋爲總兵征作

平夷將軍保定伯梁瑤平江伯陳豫一作議都督同知范雄都督僉事董興

爲左右副參刑部尙書金濂參贊軍務太監曹吉祥王瑾陳梧監軍御史

丁瑄張海紀功大發京營江浙兵會討之又敕吳甯及豐城侯李賢簡南

京驍騎實軍伍二月師次建甯而茂七先攻延平郡城已爲官軍所殺初

大軍未至茂七等攻延平久餘賊至太平驛副使邵宏譽等率兵與戰射

殺百餘人軍士亡者亦倍之以捷聞劉得新等率兵至建陽與賊戰殺賊

千五百餘人先是賊於近城五里許斷橋爲守道阻不通及劉得新敗賊

楷等乃遣使招諭賊徒黃琴等三十餘人令復業禁居民不許復私讐至

建陽路始通璽書又屢至戒諭詳切沙縣賊首張由孫至延平自首復業

又引從賊羅汝先等詣楷請降願殺賊贖罪且云賊自曩敗後皆據山險

自衛必欲取之吾爲公從中說令攻城公悉大軍攻之吾爲內應可擒許

之賊首劉宗羅海郎七等俱茂七偏將掠財聚陳山寨黃琴等計擒之詣

軍門械送京師楷遂益兵趨延平遇賊攻城遂擊殺賊千餘人賊眾稍却

茂七等復移兵寇建甯守臣張瑛與戰死之至是楷等還趣建甯金濂等
大軍亦至賊遂退楷遣圍沙縣而使張由孫羅汝先誘賊復攻延平劉得
新等率兵駐延平城北預於溪北伏兵置火器賊擁眾溪南岸乘浮橋渡
火器齊發殺賊數百人眾大潰指揮劉福追之遂斬茂七一作中得賊船
百餘艘乃函茂七首並生擒從賊首若干人馳露布以捷聞餘賊在陳山
寨者聞茂七死復擁其兄子一作兄伯孫爲王聚後洋攻叔州縣官軍擒斬
其渠魁林子得鄭永祖等平江伯陳豫等分道捕之賊據九龍山楷遣兵
二千出山後戒之曰明日賊必空寨攻我若疾入其寨據之比旦賊視營
兵少果至溪上無筏而還山後兵已據其寨驚潰三月指揮王鉞捕賊於
高陽里獲賊婦廖氏僞號女將軍廖氏甌甯人被擄至鄧伯孫所妖淫善
幻最驍捷兵敗歸母家獲之諸將各先後捕獲從賊首數多俱檻送邵武
軍甚至稟論諸將以降賊王琴爲主簿羅汝先爲縣丞賞其誘賊功也五
月陳懋軍至諸將欲盡殲賊眾懋不可下令招之先是有賊將張留孫者

趙健茂七起事多仗之茂七死仍從鄧伯孫千戶龔遂榮乃偽為貽留
孫書許其自新令立功贖罪若素有約者佯使謀誤致之伯孫伯孫果疑
留孫殺之由是賊黨人人自疑葉伯孫來降十一月懋遂獲伯孫送京師
誅之閩地悉平張楷往討處州寇陳懋金濂留鎮撫福建幕府上功兵部
時方被狄難用事者方大保護京師之功沮其賞弗行明史朱青巖明紀
雙槐歲鈔鴻猷錄
明政統宗明史
紀事本末野記
是年正月免浙江福建銀課

四月處州賊犯崇安殺都指揮吳剛

遣御史十三人同中官督福建浙江銀課

五月巡按福建御史汪澄棄市並殺前巡按御史柴文顯以上明史

景帝景泰三年秋七月鎮守浙江福建侍郎孫原貞以處州盜平奏析

水青田二縣置雲和宣平景甯三縣福建置永安壽甯二縣詔從之明史
紀事

本

九月振兩畿山東山西福建廣西江西遼東被災州縣明史

國月福建盜起明史

寇陷政和城縣署又遭燬政和縣志

四年三月開建甯銀場明史

五年正月罷福州建甯銀場明史

十年副都御史劉廣衡巡撫浙江福建專司討賊明史

英宗天順二年二月司禮監太監福安奏雲南福建浙江舊有銀礦悉令

採辦煎銷上納京庫近年或採或止國用不足請如舊制遣官開場煎辦

從之通鑑綱目三編

在籍御史葉普亮福建同安人強奪人田宅又娶族女為妾為邑人所訐

上命按之得實命籍其家野獲編

四年四月分遣內臣督浙江雲南福建四川銀課明史

七年伍驥巡按福建上杭賊起驥聞立馳入汀州調援兵四集單騎詣賊

壘諭以禍福歸附者千七百餘戶惟賊首李宗政負固不服遂與都指揮
丁泉深入破之泉為賊所害驢連破十八砦俘斬八百餘人四境悉平班
師至上杭卒臨汀彙攷

八年正月以江西福建陝西臨清鎮守內外官正統間所無也悉罷之明

憲宗紀

成化二年五月脩撰羅倫以論李賢起復謫福建市舶司提舉

帝從尙書李賓言令南畿及浙江江西福建諸生納米濟荒得入監姚璉
奏罷之

三年三月復開浙西福建四川雲南銀場以內臣領之以上明史

七月追封宋儒胡安國為建甯伯蔡沈為崇安伯真德秀為浦城伯朱崖

紀

六年二月大理寺少卿宋旻侍郎曾翬原傑黃琛副都御史滕昭巡視

南浙江河南四川福建考察官吏訪軍民疾苦明史

十一年八月福建大疫延及江西死者無算志五行

十三年免浙江山東河南江西福建被災稅糧明史

二月籍沒福建都指揮楊暈家暈少師榮曾孫也居鄉逃罪入京師錦衣

百戶韋瑛故無賴冒內官韋姓者從征延緩陞百戶至是詣汪直報之謂

暈家貲巨萬常殺人將招納亡命下海直喜發卒捕之詞連兵部主事楊

仕偉中書舍人董瑛俱下獄瀕死暈竟斃復遣瑛籍其家明史紀事本末

七月以水災免福建十二年分解米十六萬石明政統宗

十四年三月上杭盜起以高明巡撫福建督兵討平之上杭地接江西廣

東山谿險阻為閩之盜藪天順中李宗政作亂巡按伍驥率兵擣其巢俘

斬八百餘人亂乃定至是會宗鄧嵩鍾三等復屯結出掠勅鎮官中官盧

勝巡按戴用督捕之而勢益熾時僉都御史高明方服闋特起為福建巡

撫禽縛首惡三十六人誅之餘減死遺戍析其地置永定縣由是上杭無

盜患高明貴溪人廉約清峻所至事輒辨既平上杭盜旋移疾歸伍驥字

德良安福人與都指揮丁泉同討賊泉戰沒驥平賊後亦旋卒閩人並福

祀之知縣蕭定聞於朝賜福額曰褒忠戴用萬安人丁泉汶上人通鑑綱目三編

臨汀

十六年福建昆由里平地特起小阜高三四尺人畜踐之輒陷尋復於其

左湧起一山廣袤五丈餘其旁一池忽生大蜺民取食之味甚美不數日

患痢死者千人二申野錄雙槐歲鈔

十九年六月庚辰大風雨拔木壞屋公署民廬盡壞城上敵樓頽毀一空

福州九縣同日官私船漂沒無算死者千餘人續筆

二十三年上杭寇劉昂溫留生武平寇劉鐸邱隆等攻掠江西廣東等處

三省奏聞添設汀漳兵備道伍希閔鎮駐上杭討平之事後復添箬笊鼓

樓岡二巡檢司並守備都指揮專駐武平守禦臨汀彙攷

江撫李昂謂贛地連四省多盜奏設分守參將兵備副使各一於會昌縣

以福建三千戶所江西南安瑞金二千戶所隸之益選民快六七千人分

屯操守勝朝遺事

弘治元年處州流賊突至政和劫掠倉藏知縣柴曦築土牆為備禦計政和

縣志

弘治初中官之守法奉詔出鎮者福建鄧原浙江麥秀河南藍忠宣府劉

清皆廉潔愛民明史

七年七月福州雷燬城樓五行志

八年上杭寇劉廷用張敏陳宗壽等攻掠江西廣東等處都御史金澤討

平之具奏每縣添設巡捕三簿一員臨汀彙攷

八月設江西巡撫於南贛時汀漳多盜嶺南姦民附之故添設憲府於要

地以節制焉明鑑會纂

十一年閏十一月罷福建織造綵布明史

十二年十二月建陽縣書坊火古今書板皆燼

十三年閏七月福州城樓燬

十四年閏七月福州大風雷擊壞教場旗杆城樓大樹以上五行志

十六年十二月停止福州尋訪鷓鴣竹鷄白畫眉紫山鷓等禽鳥明政統宗

四十一年十二月二十七日倭寇攻政和知縣周尚友督民堅守四十日

援兵不至城陷死之全家皆歿縣丞徐九經與周同死節城中男婦屠戮

一空政和縣志

正德元年八月建甯邵武大疫五行志

二年十一月開浙江福建四川銀礦是年琉球入貢明史

四年起周南督南贛軍務時汀州大帽山賊諸賊寨中大帽山之賊盤踞最久在長甯縣東南雖非汀

境而當日指稱汀賊又張時旺黃鏞劉隆李四仔等聚眾稱王攻剽城邑

日漳寇則皆閩人也延及江西廣東之境數年不靖南會三省兵討之江西兵從安遠入攻破

巢穴七廣東兵從程鄉入攻破巢穴九福建兵從武平入攻破巢穴八初

賊眾七千餘人攻武平福建副使姚鎮署臬篆承檄往討賊聞風遁走江

西永定民有賴師督部五百人出身禦賊所部多戰死賊又陰襲其家有

司不能郵由是師智擁兵自保鏡曰壯士也撫而用之師智請効死諸軍

倚爲重

閩書臨汀彙攷

八年姚源降賊王浩八叛詔以俞諫代陳金督江西浙江福建諸軍討之

明史

十一年大帽山賊又起十月以王守仁爲僉都御史巡撫南贛汀漳南贛

地連閩廣山谷深阻盜賊易爲巢穴陳金俞諫先後討之未盡不數年嘯

聚復起橫水左溪則有謝志山等泐頭則有池仲容等皆稱王攻剽府縣

而大庾陳曰能大帽山詹師富諸賊復與之相應於是江西福建廣東湖

廣之交千餘里皆亂兵部尙書王瓊薦守仁才遂特用之守仁既至贛州

知左右多賊耳目呼老隸詰之隸不敢隱因貫其罪令誦賊動靜無一弗

知

陽明先生別錄明鑑會纂臨汀彙攷

十二年正月檄福建汀漳等處兵備僉事胡璉與廣東兵備僉事顧應祥

會兵先討大帽山賊佯爲退師出不意搗之三月攻勦盧溪等洞連破四

十餘寨五月擒賊首詹師富温火燒等福建在事者胡璉外參政陳策副使唐澤知府鍾湘俱著勞勩上全

九月建安火

五行志

泉州地生毛一夜長二三寸有白有黑

二申野錄

十月泉州大疫

五行志

閏十二月二哨統兵福建汀州府知府唐淳督同上杭縣縣丞陳秉等官兵於十月十二等日攻破左溪等巢十一月初一等日攻破十八磊等巢共十二處共擒斬大賊首藍天鳳藍八蘇景祥等四名顆賊從廖歐保等二百六十四名顆俘獲賊屬並奪回被虜男婦五百四十四名口燒毀賊巢房屋七百一十二間及奪獲馬牛器械賊銀等項

十三年十二月福建漳南道兵備僉事周期雍議處深田巢賊呈稱深田半砂等處負山濱海地僻人稀以致賊徒誘結勢漸猖獗今雖議立軍堡一時未得完工合行署都指揮僉事侯沐暫且任劄南韶設法擒捕候軍

堡已完行令遵照欽奉敕諭前任武平縣駐劄旋奉王守仁批云原議設立軍堡十處每堡軍兵不過二三十人勢分力弱恐亦不足以振軍威而扼賊勢仰會同守備官再加酌量如是軍堡工費浩大且可停止止將各堡該戍軍兵分作兩營選委謀勇官二員分統於各該盜賊出沒地方絡繹搜捕每月限定往來次數就仰經過縣分按月開報兵備官處不時考較督責其設立軍堡止於每日程途所到去處建立一所以備宿歇非獨省費易舉亦且勢并力合地方可恃以無恐餘均照准施行

十四年二月王守仁案行福州等六府行十家牌法畧云本院舊撫南贛汀漳等處訪得所屬軍民之家多有窺圖小利寄住來歷不明之人同爲奸宄賊盜繁多皆源於此已經行仰各府所屬各縣在城居民每家各置一牌備寫門戶籍貫及人丁多寡之數揭於各家門首以憑官府查考仍團編十家爲一牌開列各戶姓名背寫本院告諭日輪一家沿門按牌審察動靜但有面目生疎之人踪跡可疑之事及違犯戒諭者卽行報官究

理或有隱匿十家連罪所據福州等府屬縣民俗大抵相同應合通行編置該府亦要嚴加督察各屬期於着實施行

六月勅王守仁前往福建公幹行至江西案行福建布政司云福建係江西隣省今甯府逆謀既著若北趨不遂必將還取閩浙仰抄案轉行各道並行鎮巡等衙門於交界地方加謹防截相機夾剿又案行福建漳南道云卽將見在上杭教場操練精壯兵快人等大約四五千名并取漳州鉞手李棟等一起各帶隨身鋒利器械責委謀勇官員統領就於汀漳官庫錢糧支給各兵行糧計算日期兼程不分兩夜直抵本院任劄吉安府隨兵進剿仍備行瑞金縣查支官錢預先雇辦船隻伺候裝送

又欽奉敕諭查處福州叛軍牌行福州等八府畧云福州三衛軍人進賈葉元保等脅眾謀反隨該鎮巡等官設法擒獲今特命爾不妨提督原任前去彼處地方將前項事情用心查議處置軍衛有司官員平時不能撫處通行查究情輕者就便拏問情重者差人解京問理干礙方面官參奏

提問罰治事干鎮巡官指實陳奏

七月又牌行福建布政司云近據探報逆黨南下水戰之具爲急仰福建布政司卽行選募海滄打手一萬名動支官庫不拘何項銀兩從厚給與衣裝行糧各備鋒利器械就仰左布政使席書兵備僉事周期雍自行統領星夜前赴軍門相機前進并力擒剿

又牌差千戶劉祥督發福建官兵云福建布政司分巡該道着落官吏卽將前項見在兵快四五千名并將海滄打手一二萬名作急調取到官令其各帶隨身鋒利器械等項查取在庫不拘何項錢糧給與行糧并雇募之資就仰左政使席書統領毋分兩夜定限本月二十九日直抵江西省城隨軍前進如違時刻定以軍法論處

八月十四日犒賞福建官軍云福建漳南相距江西省城約計程途有一千七八百里之遙該漳南道乃能不滿旬月調集官軍兵快八千員名之衆首先各省而至足見本官勇略多謀預備有素除將支出官銀差官領

齋該道仰抄案回司卽將原調領兵官員并軍兵鄉夫人等酌量犒賞以

陽明別錄

十四年九月福興泉三府地震五行志

十五年八月王守仁牌行福建布政司禮取副提舉舒芬云訪得福建市船提舉司副提舉舒芬志行高古學問深醇直道不能趨時長才足以濟用合就延引以匡不及為此牌仰福建布政司官吏卽行泉州府措辦羊酒禮幣賚送本官用見本院優禮之意仍照例起關應付前赴軍門以憑諮訪本官職任就委別官暫替陽明別錄

十六年廣寇林任攷犯上杭鄉民張士亨殲之臨汀彙攷

明二

世宗嘉靖二年五月給事中夏言上言倭患起於市舶罷之初太祖時雖絕日本而二市舶司不廢市舶故設大倉黃渡尋以近京師改設福建浙江廣東七年罷未幾復設蓋以遷有無之貨省戍守之費禁海買抑姦商使利權在上也自市舶內臣出稍稍苦之然所當罷者市舶內臣非市舶也至是因言者奏悉罷之

明史紀事本末

七年五月浦城縣西鄉民彭家生一牛三日繼生三角

二申野錄

十年閏六月罷浙江湖廣福建兩廣及獨石萬全永寧鎮守中官

明史

十五年三月析福建尤溪縣地置大田縣以永安漳平德化三縣地益之

明紀

十七年三月巡按福建御史李元陽奏上甘露

明政統宗

夏福建大旱

明史五行志

十八年閏七月命毛伯温南征議徵兩廣福建湖廣兵凡十二萬五千餘

人明史

十九年閩賊李光頭歙賊許棟引倭聚雙與港為巢分掠福建浙江光頭

棟皆以罪繫福建獄逸入海勾引倭人其黨王直徐惟學葉宗滿謝和方

廷助等出沒諸番分踪標掠而海上始多事矣是年寇連江籌海圖編

二十一年免福建被災稅糧明史

二十二年上杭溪南盜張文政等寇贛殺指揮斬邦爵軍門虞守愚時兵

備鄭炯守備俞大猷授義民練宏邱遠崑賴榮祖領兵襲搗其穴榮祖弟

榮昌榮德亦從賊榮祖殺之以次漸平臨江彙攷

十月寧化土賊李受糾眾營于汀州獅水巖水碓坑劫柳楊里湯勝宗李

通撫家邑中大警官兵追捕之乃散明年七月受潛寇清流知縣陳桂芳

覺而擒之餘黨悉平全

二十三年四月福興泉漳四府地震五行志

二十五年四月明史以為二十六年六月事不從以朱統為浙江巡撫兼領福興漳泉州

兵勦寇事統任用福建海道副使柯喬都司盧鏜嚴禁閩浙諸通番者而

諸貴官家以禁通番失利咸不便之朱青巖明紀明史紀事本末

二十六年正月朝鮮國王李峒咨禮部言福建人從無泛至本國者因往

日本市易為風所漂前後共獲千人以上皆挾軍器貨物致中國火器亦

為倭有恐起兵端詔巡按御史察參仍賜王銀幣以旌其忠明紀

十月海禁既嚴佛郎機人無所獲利整眾犯漳州之月港浯與副使柯喬

等禦御之明紀

二十七年三月都御史朱統以都司盧鏜帥福清兵船泊温州之海門把

總俞亨統燕山兵船協助之以備福寧之北境海道副使柯喬統福清兵

船泊漳州專備海戰以遏南逸副使翁學淵駐福寧州僉事俞熿駐泉州

備倭黎秀駐金門把總孫敖駐流江各分汛地水陸截捕六月賊許二劫

北莢羅浮同知張魯把總王麟指揮閔溶張文旻千戶王灝王鑾禦之二

福建通志已明二
通志九

十日金鄉指揮吳川追攻於近山海洋擒許棟其黨王直等收合餘眾復

肆猖獗籌海圖編
福州府志

二十八年二月佛郎機國人行劫至詔安朱統督官軍迎擊於走馬溪副

使柯喬都司盧鏜擒賊首李光頭等九十六人復以便宜戮之具狀聞一

時諸不便者大譁嗾御史周亮給事中葉鏜奏改統為巡視統復言長澳

一作諸大俠林恭等號稱刺達總管勾引夷舟作亂而巨姦擅造舢舨為

鄉導躡海濱宜正典刑部覆不允夏四月御史周亮陳九德等劾統擅殺

並及喬鏜詔落統等職遣給事中杜汝楨往按問皆論死統恚自殺喬鏜

待決自統死罷巡視大臣不設中外揺手不敢言海禁事統招福清捕盜

船四十餘分布海道在台州海門衛者十有四為黃巖外障副使丁湛盡

散遣之撤備弛禁未幾海寇大作荼毒東南者十餘年明紀

二十九年海寇入長樂福州府志

原任廣東僉事福建同安人林希元改編大學經傳定本及四書易經存

疑並上呈御覽乞刊布詔焚其書下希元于巡按御史究問褫其官野獲編

三十一年海賊王直以計掩殺廣東賊陳思盼名震海上且自以為功叩

闕獻捷求通互市官司弗許遂掠福清黃巖昌國臨山崇德桐鄉等郡縣

先是日本非入貢不來自許棟始引倭互市迨棟敗滅直始用倭人為羽

翼引之入寇其魁皆浙閩人善設伏能以寡擊衆大羣數千人小羣數百

人而推直為最徐海次之又有毛海峯彭老生不下十餘帥嗣巨魁徐海

林碧川鄧文俊沈南山蕭顯陳東葉明分掠江浙閩廣籌海圖編明史紀事本末

七月廷議復設巡視重臣以都御使王忬提督軍務巡視浙江海道及興

漳泉地方明史紀事本末

三十三年置浙江福建江南總督兼制江西軍務後罷之種藻錄

九月以南京戶部侍郎楊宜提督閩浙江南北軍務明政統宗

三十四年正月以南京兵部尚書張經總督浙福南畿軍務上

五月遣官校逮繫直隸浙福總督尚書張經及參將湯克寬詣京論死時

趙文華劾其玩寇殃民也明政統宗朱青巖明紀

閩廣倭大至漳志

十一月倭自莆田白湖江犯涵頭上運陷海口十三日攻鎮東衛城千總

戴洪高懷德張鏊出戰歿於陣平海衛千戶楊一茂白仁張球追賊於東

岳山大敗倭衆一茂等亦戰死籌海圖編

倭陷海口泉州指揮童乾震奉檄到福清屯兵里尾距海口十里請戰為

參將尹鳳備倭劉烝所阻乾震獨奮勇先發殺數人賊遁因搏一賊踐而

刃之為反刃所中以死次日與尸至縣邑人哭賻之郭造卿寓書於戚繼

光請為立廟時福清義士林廷興亦以禦倭死焉長樂義兵往援戰於龍

江橋之隘會水兵銃發賊乘烟奮擊兵潰福清縣志長樂縣志

三十五年正月倭自海口遁至西鄉官兵追之斬紅衣一人備倭劉烝千

戶王月勇皆戰死御史吉澄請於朝立廟祀之倭經長樂石龍嶺逾閩縣

欽仁里至福寧竹輿孤山官兵追之或火攻或伏弩倭敗走參將尹鳳預

置藥酒於胡坪倭中毒者數人四月及於桐山又破之籌海圖編

五月大徵夷夏諸兵協勦倭亂以工部尚書趙文華總督浙福南畿軍務

明政統宗

八月以胡宗憲為兵部侍郎總督浙福直隸軍務詔總督浙福直隸軍務

尚書趙文華等協力勦賊上全

十月有倭由漳浦登岸所過焚掠無計漳自此歲歲苦倭漳志

三十六年正月改浙江巡撫阮鶚為福建巡撫從趙文華奏也閩專設巡撫始此

四月倭大至居民奔竄八月數千人入福州先是自連江登陸就據為巢

至是復自流江轉掠小埕寨逼省會四郊被焚火照城中死者枕籍南臺

洪塘悉為煨燼阮鄂竭庫藏竝括民間金帛賂之遂擄戰艦二十餘艘又

焚燬四十餘艘擁巨艦下馬江艤瀛前三日分數十小舟入諸港侵長樂

二都三都沿途劫焚入海十月由連江漁滄浦登岸攻小東門焚龍興觀

及保國祠掠附郭伏沙諸墩攻北茭而新至者復會艤攻連江官軍以矢

福建通志已明二
通志九

石殪四人明日分門出擊敗之乃由拱與夜遁

籌海圖編福州府志長樂縣志

日本泊泉州之浯嶼掠同安惠安南安諸縣攻福寧州破福安寧德明史

海寇許老謝策等突至月港擄殺千餘家是冬倭泊浯嶼往來漳潮間流

毒甚慘漳志

廣寇顧子傳攻寧邑相持半月以曾軻謀用力士黎永達擒子傳殺之賊

遂散去臨汀彙攷

三十七年正月王直復勾倭犯閩廣遂陷南安乘勝犯惠安知縣林咸拒

守五晝夜乃引去既而復來咸擊之鴨山窮追逐北陷伏死阮鄂懼寇甚

賂以羅綺金花及庫銀數萬兩又遺巨艦六俾載以走而歛括民財動千

萬計帷帟盤盂率以錦綺金銀為之倭既得志遂連船出海參將尹鳳邀

擊沈其七舟追至外洋連戰澣與東洛七礁禽斬二百人三月詔錦衣衛

逮阮鄂赴京以言官劾其括民間金幣賂倭下刑部嚴嵩為屬法司僅黜

為民時倭又陷寧德由七都抵羅源見城上士馬雲屯不敢攻掠三宿而

去四月刼幕浦疎連江縣治踰北嶺逼會城犯閩安鎮焚剽瀛嶺至長樂
長嶼江坑田登岸擄掠羅芹山石尤嶺抵福清又出礪嶺抵三溪搜剔無
遺二十六日攻城閱三日守備來熙率兵來援始解五月初二日倭千餘
由長樂竹田嶺礪嶺入屯三溪感恩兵民捍禦至十二日抵福清據門外
山頭用砲擊雉堞城遂陷執知縣葉宗文刼庫獄殺掠男女無算焚官民
廨舍居二日而出舉人陳見率家僮禦敵不克與訓導郎中涵俱被執大
罵而死監生林鼎等亦死之倭三千餘旋自松下突入海口灣登陸攻鎮
東衛城二日殺掠甚慘益以新至者千餘城幾不守里人謝介夫死焉籌海

圖編明紀明史紀
事本末福清縣志

四月布政使參議宗臣至時日本直犯閩安省中議城守以臣守西門鄉
氓孳婦子來入者幾萬人臣戒門者內之且令所蓄穀悉徙城中違者焚
之或謂倭且近且溷奸人奈何臣曰吾在無慮也入甫畢倭至衆懼失色
臣求得善火具者百人伏要害手白金爲勞約曰俟吾鼓而俱發不然毋

妄動倭輕城無人魚貫至臣度其已集鼓之火具累百發洞中死者無算遂潰去已而袁立山以邵武援兵數千人至日訓練之並解福清鎮東及興泉之圍又連數十大艖要擊之海上擒獲甚眾餘沈之海中時五月杪也

宗子相集

五月省城既解嚴悉罷諸所入戍者先是粵兵三千以舊年十月徵至戰時僭民間不戰於是督府檄宗臣督之歸時七月六日也

上全

七月閩縣李樹生桃福清縣有猪蛻殼其色如丹

二申野錄

八月泰寧報粵賊急宗臣即檄邵延各郡邑兵夾剿而身與數騎星馳赴之以歸化兵截其西邵武兵防其北將樂兵阻其東永安兵遏其南歸化則賊入汀歸粵之要塗也夜督數百騎徑趨至白蓮付李丞蘇簿邑兵五百粵兵二百馳紫雲臺賊聞我歸化兵至輒驚走遂逼永安永安在萬山中而積穀寮人善弩最悍乃又檄謝倅以積穀寮兵三百出戰擒數十賊獲大旗追至百里賊遂夜從上杭歸粵

宗子相集附錄

十月柯梅倭造巨艦爲遁計胡宗憲利其去不之擊十一月揚帆而南俞大猷橫擊之沈其一舟餘泊泉州之浯與掠同安惠安南安諸縣攻福寧州福建人大譟謂宗憲嫁禍御史李瑚再劾宗憲三大罪帝不問瑚福建人

明紀

是年都御史王詢條陳福建防務福建巡撫都御史游震得言浙江溫處與福寧接壤倭所出沒宜進戚繼光爲副總兵守之而增設福寧守備隸繼光漳州之月港亦增設守備隸總兵官俞大猷延建邵爲八閩上游宜募兵以備緩急皆允行

明史兵志

汀州溪南盜又起張文政葛用貴先後伏誅至是三圖張四滿等猖獗兵備王時槐擒之立撫民館上杭梁寧入寇卒長張璧秀等以募兵禦於黃舖死之兵備道爲建義勇祠周效良亦不屈裂屍從死凡數人

臨汀彙政

三十八年二月倭數千自潮來劫海濱長泰南靖平和諸處

漳志

三月倭攻福寧不克陷福安縣參將黎鵬舉敗之於海中七星山屏風嶼

鎮下門及三沙海洋斬首六十七級生擒六十八人倭復由福寧度古嶺

劫福州城門晝閉掠近郊五月陷永福縣令周煥縉紳黃楷林居美諸生

林大有黃槐義士黃浩張麟等戰死邑人爲廟祀之

籌海圖編福州府志

倭自洪塘浮馬江出洋參將尹鳳擊敗於梅花外洋二十六日復由松下

抵福清縣東門上洋城中發銃斃二人始驚潰二十八日又二百餘人由

長樂抵北門被銃傷仆潰四月十七日四百餘人由松下抵東門被銃擊

走三次俱南遁焚殺擄掠極其慘酷二十六日又千餘人由興化來過天

寶陂屯宿溪前馬山等處次早往石湖五月五日四千餘人從牛宅抵上

洋由玉屏山過洋浦屯宿宏路六七月被風泊海壇分屯白鶴慈江東瀾

後營劫殺無虛日八月十八日又四百餘人從長樂來宿溪頭由前潘過

江犯上逕踞江陰至是福邑四鄉悉被焚掠義士夏叔慎死之

上全

十一月倭始南去巡按樊獻科劾王詢黎鵬舉失律奪俸有差是時洪澤

珍巖山老連年引倭入分鯨四掠官兵會擊其由祥芝石湖南潯出海者

參將王麟敗之于大炸島白峯頭灣出海者都指揮唐修澄敗之于野馬
外洋自閩安鎮出海者參將尹鳳備倭張憍敗之於梅花外洋澤珍遁屯

海壇山山老就擒

籌海圖編明史紀
事本末福清縣志

三十九年三月倭大掠連江諸村自安德保安嘉賢中鵠安義仁賢清河
等里窮谷深山無不焚燬屠戮財物罄掠無遺凡三閱月時倭舟尙屯沿
海復掠省會諸村城門晝閉彌月巡撫劉燾至下令大開城門往來不禁
親率兵追于閩安鎮燾精騎射家蓄健兒數十俱習戰寇素懾威名遁去
四月倭犯長樂北鄉劉燾帥師赴之遇于壺井山下應絃斃二酋潰六月
復劫小祉殺數人擄數十人

福州府志

夏饒平縣人張璉由潮龔漳陷雲霄城屯住十餘日方去是時平和詔安

龍巖南靖俱被倭殺掠璉又攻破寧德福清永福諸邑

東西洋攷

四十年初汀州程鄉賊首林朝曦梁統三圖賊首蕭劉二姓攻寧化勢甚
猖獗相持四十日造雲梯薄城知縣陳添祥以佛狼機破之賊失利去是

年正月二月間賊悉屯安遠巡檢司前分羣肆掠無息五六月間共聚九
 夥每夥不下千數百人七八月破江西屬縣十餘江憲副遇害時惟三圖
 賊最强其犯汀郡者即此夥也戚公繼光招撫之至松江平倭有功其首
 賴某授上杭世襲百戶世所稱福建賴家兵是也其餘連城朗村賊或剿
 或撫各洞以次就平

唐順之武編
臨汀彙覽

四月倭犯長樂北鄉次日犯南鄉殺掠無算越石尤嶺往福清屯化北新
 堂牛田五月復犯長樂北鄉乘汝至八都由礮嶺至福州

福州府志

張維寇漳州陷鎮海南靖而月港人自稱二十四將雄據海上久之先是
 張維等二十四人造船通倭官府莫能禁戊午冬遣兵剿捕維等率眾拒
 敵由是益橫據堡為巢巡海道周賢宣檄鄧士元討擒之

漳志

饒平賊張璉復攻陷江閩諸州詔江閩廣三省會征之南贛參將俞大猷
 討平之初張璉騷動三省福撫游震得檄指揮王豪率三衛軍與福州通
 判彭登瀛領鄉兵進剿敗績登瀛歸罪豪震得執豪答之斬隊長以下四

人三衛軍不服會副使汪道昆閱操至教場三衛軍大操格殺鄉兵四人而請殺登瀛聚城南久之始散嗣後官軍不能剿上憂之至是遣都督劉顯參將俞大猷剿之以萬五千人乘璉出寇搗其巢璉還失據乃分賊四隊且守且禦官軍逼賊營望其城柵甚麗旁環以小寨無慮數百遂進逼城柵而遣別將以火攻左右焚其寨賊大潰乃懸購獲璉者萬金官指揮賊黨郭玉誘璉出擒之于是逋賊林朝曦葉槐李文彪余大春等皆前後被獲合計擒斬共二萬餘級俘獲解散共九萬降者無算因設平遠縣於程鄉之木平營而設伸威營于興寧程鄉安遠武平四縣間

名山藏俞大猷傳勝朝遺

十二月閩賊大掠江西之石城臨川東鄉金谿殺吏民萬計詔劉顯赴剿

明紀

四十一年春倭陷福建永寧衛大掠數日而去復攻永寧城破之大殺城

中軍民焚燬幾盡

明史紀事本末

三月泉州指揮歐陽深率兵擊倭破之生擒江一峯泉州稍寧

明史紀事本末

是歲倭大舉犯福建

濟志以爲三十四年事不從

四月十四日侵長樂北鄉復乘汐至

江田往福清時寧德屢陷距城十里有橫嶼倭阻水爲營官軍相守踰年不敢擊其新至者營福清牛田而酋長營興化互爲聲援巡撫游震得連告急于浙督胡宗憲檄叅將戚繼光率都司戴冲霄把總胡守仁剿之七月先擊橫嶼破其巢斬首三千六百九月乘勝至福清戚馭兵有律民大悅家具簞食餉兵屯于城邑令及父老請師期繼光曰吾兵疲且休矣俟緩圖之賊偵者歸告不爲備夜督兵行三十里黎明破其巢斬首千餘級邑人尙未知兵出也倭退屯牛田泥塗數里以官軍不能至繼光下令人負草一束將領不知所爲明晨疾馳至以草填地倭奔遁赴江死者萬計餘走興化急追之夜四鼓抵其柵連克六十營斬首千數百級平明入城興化人始知持牛酒勞遂旋師抵福清又遇之自東營灣登陸擊斬二百人而都督劉顯亦屢有功繼光至福州飲至勒石平遠臺遂還浙江

明紀

十月新倭至福建者日益眾圍興化城市月明史以為十一月劉顯遣卒八人齎

書城中衣刺天兵二字倭殺而衣其衣給守將得入夜斬關兵大至副使

翁時器參將畢高走免通判奚世亮攝府事力戰死城中焚掠一空自倭

亂數年破州縣衛所城百數未嘗破府城至是遠近震動明紀

案名山藏慎餘書屋詩集明紀皆以為四十一年事二申野錄野獲編

補遺紀事本末皆誤以為四十二年事又甌輶洞臺以世亮死為十一

月事

詔總督胡宗憲專督浙直福建軍務不兼江西

十一月詔逮繫總督浙直福建尚書胡宗憲詣京釋之

詔罷浙福總督大臣

以趙炳然為右都御史巡撫浙福軍務以上明政統宗

福建山海寇起數十萬督撫游震得請以俞大猷控制全閩江廣湖數道

朝命未下而其冬賊陷興化城明年大猷馳至贛與都督劉顯戚繼光滅

之名山藏俞大猷傳

免福建被寇者稅糧明史

命御史分行天下訪求方士及符籙秘書姜儆往江南山東浙江江西福

建明史

四十二年正月以福建倭患劇再起復譚綸討之巡撫福建都御史游震

得請浙江兵剿賊詔發義烏精兵一萬令戚繼光將以往仍諭趙炳然協

剿炳然言福建所以致亂者由將吏撫馭無術民變為兵兵變為盜耳今

又驅浙兵以赴閩急竊懼浙之復為閩也請令一意團練土著使人各為

用家自為守急則兵緩則農然後聚散兩有所歸即不得已而召募亦必

先本土後鄰壤庶無釀禍本報可倭留興化兩月

此由去年倭破興化後計之二月徙

屯崎頭城都指揮歐陽深搏戰中伏死倭乘勝破平海衛據之尋罷震得

聽勘即以綸代明紀

二月命俞大猷署都督僉事鎮守福建南贛惠潮等處地方大猷馳赴漳

州會議正氣堂集

永定山背賊李占春因歲饑率其黨以平穀為名劫永定連城署永定縣

令黃震昌遣義兵賴一鳳等招之兵備道金澗督三縣進兵永定兵自湯

湖鼓樓岡進上杭兵自安鄉半徑進連城兵繞賊後戰未決上杭兵怯賊

眾衝之死數百賊乘勝追奔直抵城下南塔岡兵爭先渡河溺死不可勝

計被殺者數千人四月武平知縣徐甫宰生員李琛詣壘招之占春雖降

而淫暴益甚旋復叛勝運里民李嘉言往撫賊脅之罵賊而死六月程鄉

盜入寇上杭上饒陳紹祿入寇郡城有鍾氏婦邱細姑死於賊官為葬之

表其廬臨汀彙攷

三月詔調浙兵于福建明政統宗

四月總兵官俞大猷副總兵戚繼光等擊倭于福建破之自倭陷興化據

平海衛數月不去詔急徵大猷充總兵官戚繼光為副合兵往討時劉顯

以兵少壁城下不敢戰大猷至亦不欲攻俟大軍之集三月倭掠長樂二十都二十八日掠十九都擄四十餘人四月戚繼光將兵至自浙破倭于連江馬滸之百丈巖大猷乃與顯別邀倭于長樂殲之新倭犯福清欲與平海合大猷顯合擊之於遮浪亦殲焉於是巡撫譚綸令繼光將中軍顯左大猷右合攻倭于平海繼光先登左右軍繼之因風縱火斬級二千二百有奇還被掠者三千人倭遁去遂復興化其侵犯他州縣者亦為諸將所大創而去其後繼光大猷復連敗之東南始得安枕矣

通鑑綱目三編明紀蒼霞草

是年潮州有倭二萬海賊吳平與通平有大小船二百隻眾近萬人結巢於海嶼深澳諸山寇亦起勅江廣福建三鎮撫臣偕俞大猷討平之大猷次第誅欵時陳一作程紹祿刼延平梁道輝刼汀州大猷至單騎責諭之紹祿顯受鞭杖令驅道輝歸崗過汀其黨遂散後二人皆被殺平既降懼誅遁去

名山藏俞大猷傳俞公功行紀正氣堂集

六月譚綸言福建舊設五水砦扼海口法甚周密宜復舊以烽火門南日

浯嶼三艖為正兵銅山小埕二艖為游兵寨設把總分汎地明斥堠嚴會
哨改三路參將為守備分新募浙江兵為一班各九十人春秋番上各縣
民壯皆補用精悍每府領以武職一人兵備使者以時閱視從之明紀

四十三年正月倭餘黨復糾新倭萬餘圍仙游戊午譚綸及總兵官戚繼
光大破之城下倭趨同安繼光又追破之王倉坪斬首數百級餘多墜崖
谷死存者數千奔據漳浦蔡丕嶺繼光分五哨身持短兵緣崖上俘斬數

百人餘掠漁舟出海去福建倭平紀事本末明紀

閏二月盜據漳平知縣魏文瑞死之明史

琉球使者重來泊閩海上聞宮事驅之使歸嚴內防也漳志東西洋攷

是年戚繼光討吳平林道乾於詔安滅之漳志

四十四年夏倭將有事東番漂渡閩越間閩遣材官董伯起偵之被擁而
去其明年命小舟送歸并獻方物上章求市當事以章表不中式拒不納
厚犒之遣還閩自戒倭後請增置游擊將軍一人領舟師備倭戎容亦稍

振云東西洋攷

四十五年正月福州興化泉州三府同日地震

通鑑綱目三編

世宗時閩廣進羨餘戶部請責他省巡按歲一奏獻如例明史

十二月詔設福建海澄寧洋二縣以其地多盜故也明政統宗

虔撫之設始孝宗時汀漳賊蔡郎鋼等與郴惠南雄賊合用鎮守太監鄧原議設鎮於是四境少安嘉靖時朱猴子楊立警上杭曹餘權聚漳州劉

海覆武平賴清規屠漳詔如是者不可殫記白茅堂集

明三

穆宗隆慶二年福建大旱

五行志

秋古田賊犯錦田所官軍敗

維山先生集

七月曾一本浮海犯福建官軍迎擊大破之

明紀

十一月命廣東福建督撫將領會勦曾一本

明史

三年都督同知廣西征蠻將軍俞大猷以閩船閩兵遇海賊曾一本於漳

潮旬日三捷生擒之

名山藏俞大猷傳

五年正月先是韋銀豹數反覆偕其黨黃朝猛等作亂廷議大征之高拱

欲用殷正茂曰是雖貪可以集事吾捐百萬金予之縱乾沒者半獲可立

平也正茂任法嚴道將以下奉行惟謹與李遷調土漢兵十四萬集眾議

時八寨助逆眾請先之敕書亦有先平八寨徐圖古田語正茂獨不謂然

先給榜諭八寨八寨聽命乃分兵七哨以總兵俞大猷統之副總兵門崇

文參將王世科黃應甲都司董龍魯國賢游擊丁山各領一哨復分土兵
為二隊更番清道必先清數里而後行大猷先奪牛河三厄險諸軍繼進
連克東山鳳凰等數十寨賊保湖水巢極巔合營攻之十餘日未下大猷
陽分兵擊馬浪賊而密令世科乘雨登山設伏黎明礮發賊大驚諸軍攀
援上賊盡死馬浪諸巢相繼下斬獲八千四百有奇廖元誘獐人生致朝
猛梟於軍銀豹窮蹙擇肖已者斬首獻三月捷聞改古田縣為永甯州設
副使參將鎮守并八寨與龍哈唏咳為十寨立長官司聽守禦調度明紀

六年七月七日有物轟轟飛至華亭縣墜於地乃鐘也鑄時年月俱在識
者謂其來自閩云莆田縣文賦里有大蛇吞鹿遙視腹下有字二申野錄
五行志

神宗萬曆元年初俞大猷移鎮福建福興泉漳延建邵武福甯并浙江金
温地方方議攻賊彭湖忽有新倭自漳泉趨福甯大猷遣兵追之將及副

將鄧之屏促向彭湖新倭猝入烽火寨殺把總去名山藏俞
大猷傳

二年二月長汀縣夜地震至三更地裂成坑沒民屋四十餘間通鑑綱
目三編

六月福建永定大水溺七百餘人五行志履

福汀漳等府俱地震五行志

八年九月省福建懷安縣入侯官縣續通鑑

日本犯浙江韭山及福建澎湖東湧明史

九年七月福安洪水踰城漂沒廬舍殆盡五行志

十三年八月有賊起沙縣縣與汀州歸化接壤勒出犒軍金闔邑驚惶邑

令華廷獻與巡檢陳議城守陳巡檢率兵據高阜為犄角賊望武平一路

而去後武平城破令被逮陳巡檢為禦賊墜水一僕被殺歸半月憂悸而

卒廷獻經紀其喪閩事紀略

九月守道于華王之任上杭于係舊甯化知縣嘗毆府廳毆諸生而亦時

見毆於上官諸生者初汀州賊閩王猪婆盤據簾子洞劫掠橫行福建巡

撫張肯堂親征之甯化知縣于華王不得於鄉紳願撫賊自效既往賊橫

幾不免遂許賊以官與數百人偕來肯堂給劄命華王率之勤王至浙東

各散去華玉亦削髮爲僧至是華玉復來與華廷獻叙同鄉親誼及譜誼
以中途被劫告貸也

閩事
紀畧

十一月兵部張景星使滇過歸化景星習識緯工劍術滇南人也以州守
軍功擢部齋詔沐府時賊攻清流縣旋屯九華駟駟去歸化城六十里廷
獻堅壁清野景星百計助城守賊取斷椽壞棟造天車攻城景星造丁字
衝木禦之惡戰累日矢礮將盡至用積石婦女拾瓦鏢佐之賊少却有陳
勇士乘勢越城奪取天車則周圍木柵生牛皮障其外血肉淋漓火不焚
鏃不入而隙光必辨蓋賊長技也賊將退于華玉自清流來縋城入是日
于兵五百至鄉兵續至千餘皆派宿民房官給酒食賊遁可尾擊華玉不
可逼助餉遲則縱兵脅而譁之華玉陰揭廷獻委城於賊賴得彼全景星
亦飛章直陳適巡按高念東至汀州百姓遮道而訴念東特疏謂城係廷
獻與士民血守華玉之援在賊軍已潰之後且斂餉賈怨衆實率口於是
擬華玉薄罰張景星加俸而廷獻與上杭令羅文止加銜候考赴省廷獻

行而無資淹留閩境閩事紀畧

十四年夏福建大水五行志

六月振福建饑明紀

二十四年言礦者爭走闕下帝即命中官與其人偕往福建則高宗明史

三月福建饑六月諸府所屬被災人民分別蠲振通鑑綱目三編

二十七年二月分遣中官領浙江福建廣東市舶司明史

二十八年七月興化莆田連江福安大雨城垣橋梁隄岸俱圯五行志

三十年二月振福建災以福建晉安南安惠安同安莆田仙遊諸縣並告

災分別蠲振通鑑綱目三編

閏二月福甯州大金筆架山突出一山自己至未形體變幻不一二申野錄

三十二年七月福建人李錦潘秀郭震久居大泥與和蘭人習其酋麻韋

郎欲通貢市錦為畫策奪澎湖與而守之因賄高宗使上請於天子酋善

之錦乃為大泥國王書移宗及守將俾秀震齋以來守將陶拱聖大駭白

當事繫秀於獄震不敢入而酋已駕三大艘直抵澎湖伐木築舍為久居
 計錦亦潛入漳州偵探當事亦繫之獄已乃令三人諭其酋還國將校詹
 獻忠持檄與俱獻忠多携幣帛食物凱酋厚酬錦等又依違其詞酋不肯
 去宋已遣人索賄三萬金許為代奏會都司沈有容自請往諭有容負膽
 智大聲論說其下人露刃相詰有容盛氣與辨無所懾酋心折乃曰我從
 不聞此言時巡撫徐學聚嚴禁奸民下海犯者必誅接濟路窮酋無所得
 食即索取所予宋金揚帆去錦等皆伏罪

明紀

三十五年十一月福建巡撫徐學聚戶科給事中江顯共奏稅監高宗不

法不報朱青崖明紀

三十六年正月福州軍蘇九妻鄧氏一產兩男兩女

野錄

三十七年五月一作九月福建大水建甯等府淹死人民甚眾

二申野錄通鑑綱目三編

鄉試臨期大雨改期

野錄

四十一年命福建稅監高宗兼管粵稅監

郭給諫疏稿

四十二年福建巡撫袁一驥奏請將稅監高宗移任廣東郭給諫疏稿

四月通鑑綱目三編作五月福建稅使高宗私置通倭雙柁海艘航貨數十萬入海

貨直不以予民行戶告領激變宗怒白日麾兵殺人放火箭焚毀民房萬

眾洶洶欲磔宗宗帥甲士二百餘人突入巡撫署露刃脅制巡撫袁一驥

為解散並要盟副使李思誠僉事呂純如等於私署而拘同知陳豸一驥

與巡按徐鑒以聞大學士葉向高方從哲給事中姚永濟郭尙賓御史周

起元先後論劾郭給諫疏稿通鑑綱目三編崇相集

六月二十八日奉旨所奏內官高宗不諳事體以致人心不安激變地方

撫按官差的當官員伴送來京定奪其原管稅課並兼攝廣東稅務俱著

歸併江西潘相兼攝其地方不安撫按官出示曉諭撫綏東西洋考

福建巡撫袁一驥同知陳豸俱罷明史

四十五年七月福建災明史

十一月福建大水明鑑會纂

福建直也明三

四十七年四月漳州府奸民李新僭號洪武結海寇袁八老等率兵黨千

餘人流劫焚燬勢甚猖獗巡撫王士昌檄副將魏元憲沈有容等領兵討

平之通鑑綱目三編

熹宗天啟四年五月福甯兵變有司撫定之明史

五年二月調湖廣山東江西福建四省考官顧錫疇等於外奪其三級中

野錄

九月海賊劉香寇福建明史

六年九月福建地震五行志

七年武平縣賊發米坑箬箬賊首蘇阿婆等聚眾千人臨汀彙考

六月海寇鄭芝龍等犯福建銅山中左所等處明史紀事本末

懷宗崇禎元年正月工科給事顏繼祖劾福建總兵俞咨臯下獄初巡撫

朱欽相招撫海寇楊六楊七等鄭芝龍求返內地楊六給其金不為還遂

流劫海上繼祖上言海盜鄭芝龍生長於泉聚徒數萬劫富施貧民不畏

官而畏盜總兵俞咨臯招撫之議實飽賊囊舊撫朱欽相聽其收海盜楊六楊七以爲用而咨臯招之海卽置之海今日受撫明日爲寇昨歲中左所之變楊六楊七杳然無踪咨臯始縮舌無辭故閩帥不可不去也疏入

逮咨臯下於理

明史紀事本末

廣寇龔二蘇阿婆等攻上杭指揮劉震百戶李中秀等死之

臨汀彙攷

三月禁漳泉人販海芝龍掠福建浙江海上

明史紀事本末

廣賊攻武平縣弗克轉攻武平所署守備千戶徐必登鎮撫陳應龍哨官徐治陶志學段元望丁顯聞死之必登蒞任纔兩月閩縣有急與陳應龍等統所軍兵來援所軍不前必登麾親軍及家僮策馬至麻姑墩遇賊親軍竄走必登遇害家僮抱屍而哭賊磔之陳應龍等死亂賊中

四月把總韓應琦等領兵進勦殺賊龔二賊伏攻溫家樓殺戮甚衆兵備道董象恒與知縣吳南灝大敗賊於桐盤嶺

五月董象恒督兵搗巢直抵寒婆賊衆衝南灝兵營張承祚韓應琦先出

接兵南灝亟同甘蓮都司勒馬督戰賊奔沒蛇逕自相踏死不可勝數
六月賊衝會昌百戶曹經與賊遇戰於東流坑被賊嗑殺哨官羅應時馬
萬宗把總朱球及兵卒死者數十人

七月賊攻武平城知縣巢之梁會上杭知縣吳南灝擒斬甚眾

以上臨汀彙攷

兵部議招海盜鄭芝龍九月芝龍降於巡撫熊文燦工科給事顏繼祖言
芝龍既降當責其報效從之初俞咨臯招楊六楊七降獨芝龍猖獗如故
芝龍嘗敗都司洪先春釋不追獲一游擊不殺咨臯戰敗縱之走當事知
其可撫遣使諭之癸未芝龍降會朝命布政使熊文燦爲巡撫文燦善遇
芝龍使爲已用先後擊擒李魁奇蹙鍾斌於大洋投海死海警遂息

明史紀事

本末明紀

十月廣賊攻象洞吳南灝督兵至中軍李鐸兵已先到賊從小路潛來官
兵驚潰擁南灝歸鐸步戰殺數人而死哨官周以弼洪萬餘日者馬逸山
皆遇害

十一月賊抵上杭城下分巡道曾櫻招三圖兵乘懈擊之殺賊五百餘人
花腰蜂竹高溜皆就擒餘賊復歸洞時百姓盡忿願皆殺賊賴思養招兵
千人賴君遷邱汝華李朝育各招數百人溫子魁率眾不下千人求戰許
之直攻賊營許勝劉漢廷葛起龍等各殺賊城上賊敗走兵追至雷公寨
賊死不可勝數

十二月巡道曾櫻洗賊巢凡巖前象洞及米坑箬策諸鄉無少長悉戮之
蘇阿婆有眾五百人平遠金知縣佯撫之計戮無孑遺謝志良就撫於惠
湖道官以把總以上臨汀彙攷

二年二月海盜李魁奇伏誅魁奇本鄭芝龍同黨芝龍忌之擊斬粵中

四月廣東副總兵陳廷對約鄭芝龍勦盜芝龍戰不利歸閩不數日寇大
至犯中左所近港芝龍又敗寇夜薄中左所以上明史紀事本末

七月末吉了警至人心奔潰當事汲汲圖近守之策有以專守閩安鎮爲

言者以此鎮最狹可設銃墻設木牌也崇相集

三年紅夷據澎湖犯漳州海澄中左所入廈門蔡忠烈年譜

四年正月上召廷臣及各省監司於平臺問福建布政使吳楊陸之祺備

禦海寇之策明史紀事本末

平遠賊鍾凌秀與弟復秀聚千眾於連子山銅鼓嶂

二月賊掠永平寨殺官軍二百有奇守備千百戶把總皆死旋札黃峰隘

知府林聯綬調兵禦之指揮嚴明被執千戶劉堯百戶張機不屈死

賊突出瑞金縣札南門岡爲鄉豪張振熙僧守貞所敗盡棄輜重徒手趨

還楊家巷林守懲前敗不發兵堵截賊復收殘孽整隊而出官兵禦之指

揮王應官張大倫把總王國佐賴思養賴君遷曹緯咸敗死次日巡道顧

元鏡復遣指揮韋某百戶張耀接援韋聞敗先竄張戰死

九月督撫熊文燦提兵入汀會勦時賊舍杭武徑出廣東襲始興縣破之

羽書告急奉旨諭熊會贛廣兩院合勦熊乃率鄭芝龍親兵駐上杭

十月參將鄭芝龍師駐三河堤督官兵搗賊巢遇賊於丙村斬馘三百餘

人次日賊迎戰又斬賊三百餘級陳二總乞降不許並斬之焚其巢而還
五年鄭芝龍追賊至石窟都鍾凌秀以賊二百受撫

二月鍾凌秀第復秀叛招餘黨三百餘焚掠藍屋驛復由淶水潭至廻龍
岡焚劫甚酷巡道顧元鏡遣百戶賴其勲等禦之戰死謝志良追兵亦至
戰敗死者百人賴明詔亦陷陣死

四月顧元鏡自上杭率千總劉良機材官郭之英陳望正把總黃基昌蔡
聯芳等往雩都與國會鄭芝龍兵大勲

八月顧元鏡同總兵陳廷對同知黃色中屯程鄉搗賊巢

以上臨汀彙攷

九月海盜劉香老一作但寇福建巡撫都御史鄒維璉遣游擊鄭芝龍擊破

之明總

十一月海盜劉香老犯小埕游擊鄭芝龍擊走之

明鑑會纂

六年六月海盜劉香老犯長樂

明鑑會纂

紅夷襲陷廈門城大掠鄒維璉急發兵水陸並進參政曾櫻請用鄭芝龍

為軍鋒芝龍焚其三舟官軍傷亦眾寇乃泛舟大洋轉掠青港荆與石灣

巡按御史路振飛懸千金勵將士諸將禦之銅山連戰數日始敗去

明紀

七年四月先是鍾凌秀既降復叛為鄭芝龍所禽其黨潰入長汀轉掠江

西屬邑芝龍屢敗賊會福建有紅夷之患劉香乘之連犯閩廣沿海邑總

督兩廣侍郎熊文燦不能討議招撫漳州知府施邦曜繫香母以誘賊賊

陽許之乃令參政洪雲蒸副使康承祖參將夏之本張一傑入賊舟宣諭

雲蒸等俱被執文燦懼罪奏諸臣信賊自陷給事中朱國棟劾之帝令戴

罪自劾

明紀

八年四月福建遊擊鄭芝龍合粵兵擊劉香老于田尾遠洋劉脅被執兵

備道洪雲蒸出船止兵大呼曰我矢死報國亟擊勿失遂遇害香老勢蹙

自焚溺死康承祖夏之本張一傑脫歸八月香老家屬六十餘人部屬干

餘人至黃華降于溫處參軍

明史紀本末

六月吏部尚書謝陞疏參工科許譽卿福建布政司申紹芳營謀升官許

削職申逮問崇禎朝記事

十年正月流寇陳缺嘴從南靖入永定署道潘融春知府唐世涵知縣徐

承烈巡簡倪思震戮力勦賊四月乃撤兵臨汀彙攷

十二年八月十六日福清至莆田江口吹倒石牌坊二十餘座松柏摧折

無算續筆精

九月福建粵西地震二申野錄

十三年八月加福建參將鄭芝龍署總兵芝龍既俘劉香老海氛頗息又

以海利交通朝貴浸以大顯明史紀事本末

十四年春福州大旱二月地震二申野錄榕城紀聞

三月福建地震六月又震五行志

七月福州風潮泛溢漂溺甚眾五行志

七月之朔酉時風起省城南門城樓北門城樓貢院明遠樓至公堂巡撫

衙前坊牌及布司按司坊表中頭門一時傾塌而南街張襄愍西街馬恭

敏及各坊表倒壞六七座西湖樓閣亭榭洪山萬安桐口橋屋蕩析無遺
平遠亭榭無一存者城上敵樓串屋十壞七八各鄉荔枝樹摧折數千株
松柏不計其數海上漁船覆沒死者若干人亦無可考上至閩清下至福

清續筆

十五年初閩人來浙東諸郡種靛麻蔗者布滿山谷久之與土人爲仇汀

州人邱凌霄父子與金華人陳海有隙勾海賊稱兵作亂巡撫羅公新蒞
任親至勦寇寇懼以義烏湯溪皆有備陡至遂昌縣中殺傷相當走石練
撫院遣衢州守備成紹譽躡其後追至石練大戰於溪灘眾寡不敵紹譽
死之寇遁浦城界而去撫院上其事詔贈紹譽驃騎將軍至是閩寇在浙
者將歸而福建浦城縣防守嚴甚不得過由是積累多人嘯聚於遂昌之
西鄉茶園知縣許啟洪申詳督撫院遂題義烏知縣陞工部主事熊人霖

推官陳子龍勦賊

遂昌縣志

十六年江西巡撫解學龍合閩兵擊破封山妖賊張普薇等賊遂殄滅明史

十七年三月徙宗王於福建福州府諸藩散處吳中者俱別徙

甲申日記

督撫張肯堂移鎮漳州初十五六年閒南安仙遊之賊嘯聚日繁既而漳南羣盜復起梁良賴祿之徒攻城圍邑馳驟於龍巖漳平永定平和之間西及汀贛崔鷹鍾亮葉祝方安之徒奔軼破檝至是將軍鄭芝龍請先趨雲霄取葉方廊清浦南之道然後迴戈西取梁賴南并崔鍾使上下援絕肯堂不從請芝龍西扼南靖斷梁賴之道出別將取葉方鄭既趨南靖塞山城五峯諸口梁賴諸部皆不得反里舍別遣洪中軍出雲霄時方久雨葉方日偵師期將南走并於崔鍾鄭已先遣施中軍西走間道出大埔曹窟云將搗崔鍾陰遣人家葉方使詣降自贖葉方相顧正趨趨問諸部落已漸散去方安跳身就繫葉祝率數百眾將從崔鷹遂爲施中軍所得於是洪中軍亦出石梯嶺搜諸洞擒獲諸部首而浦南道清時梁賴西去圍永定又進圍龍巖漳平焚掠橫甚鄭欲西上角逐肯堂不從亡何諸賊黨苦野次失其巢穴不得越南靖時時就鄭請命鄭亦佯寬之曰爾稔毒勢

不俱全能有所誅夷自効可耳未幾梁賴有隙梁良見勢細暴死賴祿欲
自拔率數千人求見鄭鄭顧部將當陣擒之俘賊數千諸大腦以七宿著
號者各反手就縛不數日崔鷹亦敗施中軍所俘誠稱是生得崔鷹先後
破除諸盜賊十百起近不踰旬朔遠不過歲時所用軍儲不過萬餘耳黃

浦集

四月按院陸清源出牌云照得謀國不減賊遺君父正王憂臣死之日云

云人見之愕然盖煤山之變已有密探也榕城紀聞

五月三衛軍索糧激變上

八月封鄭芝龍安南伯

十月福建右布政申紹芳以戶部右侍郎兼都察院右僉都御史督餉江

北

以鄭芝龍為總兵官鎮守福建等處以上甲申日記

是年漳州艾廟聖像首忽移地右

福王弘光元年正月張肯堂師駐上杭閩寇間道至汀大攻麗春門弗克

三藩紀

事本末

二月芝山靈源閣災舊識有云火燒靈源閣三山作戰場邑人大懼閩中

自此不靖矣

榕城紀聞

弘光設督餉軍門二一於福城大監一於漳州開府督理閩廣海船稅務

上

五月清使江南御史黃熙胤招撫福建熙胤晉江人與鄭芝龍同里芝龍

密遣使通欵

三藩紀事本末

六月唐王監國福京閏月即皇帝位

甲申日記作七月

以七月以後為隆武元年

唐王名聿鍵小字長壽太祖子唐定王經之後崇禎五年襲位年三十一

矣九年秋八月京師戒嚴王率護軍勤王汝南道周以興制之不聽至裕

州巡按御史楊繩武以聞旨下切責下部議廢為庶人安置鳳陽高墻十

七年三月北都陷南京福王立改元弘光以明年為元年唐王赦出高牆

禮臣請復王爵不許十一月命徙駐廣西之平樂府明年即弘光元年五月行

抵杭州而南都已覆王勸潞王監國不聽時鎮江總兵鄭鴻逵戶部侍郎

何楷戶部郎中蘇觀生胥會於杭遂奉王入閩六月甲戌次浦城閏六月

癸未福建各官迎謁於水口驛南安伯鄭芝龍禮部尙書黃道周福建巡

撫張肯堂巡按御史吳春枝等三箋勸進王出御用銀一百五十兩令有

司葺行宮勿擾民丁亥至福州監國建行在太廟社稷時鄭芝龍擁兵驕

悍鴻逵欲王早正位以繫人心芝龍猶豫弗決羣臣多言監國名正建號

宜遲不報十五日祭告天地祖宗卽位南郊以福建爲福京福州爲天興

府布政司爲行殿福州府爲國子監大赦稱號隆武追尊皇考爲皇帝妣

爲皇后遷上福王尊號曰聖安皇帝鴻逵封定虜侯尋晉定國公芝龍封

平虜侯尋晉平國公其弟芝豹封澄濟伯鄭彩永勝伯並賜號奉天翊運

中興宣力定難守正功臣芝龍部將施天福武毅伯洪旭忠振伯林習山

忠定伯張進忠匡伯陳輝忠靖伯鴻逵部將陳豹忠勇侯林察輔明侯以

黃道周爲吏部尙書武英殿大學士蘇觀生爲吏部右侍郎兼東閣大學士福建巡撫張肯堂爲兵部尙書兼左都御史何楷爲戶部尙書四川按察使曹學佺爲禮部尙書兼蘭臺館學士福建巡按御史吳春枝爲兵部右侍郎兼右副都御史周應期爲刑部尙書鄭瑄爲工部尙書黃錦爲禮部右侍郎閩設八巡撫何吾騶蔣德璟黃景昉朱繼祚林欲楫姜曰廣吳甞高弘圖路振飛曾櫻鄭三俊熊開元黃鳴俊顧錫疇陳子壯林增志李先春陳洪謐王錫衮陳奇瑜等皆遙授閣輔戎車轉側至者數人林增志李先春先至同入閣辨事然不令票旨皆王親爲之王性素儉少遭患難旣卽位慨然以復仇雪恥爲務布衣蔬食不御酒肉勅司禮監行宮不以金玉玩好陳設器用磁錫幃幃被褥皆布帛絕去錦繡後宮無嬪妃御執事者三十人而已中宮懿旨選女厨十人王聞之以爲擾民不許勤於聽政批閱章奏丙夜不休上書陳言軍國大事者輒以手詔荅之素好讀書博通典故手撰三詔與魯監國書羣臣皆莫能及重風節重文學收召名

士不次擢用其志欲大有爲於天下而阨於時勢感路振飛舊恩募能致

者賞千金給五品秩

殘明宰輔年表南疆繹史明紀清白土集海上見聞錄榕城紀聞三藩紀事本末小腆紀年

六月浙東張國維朱大典孫嘉績方逢年等迎魯王監國紹興時浙西已

降附清兵方在江楚吏部侍郎楊廷麟兵部侍郎萬元吉國子祭酒劉同

升等以義師往來捍禦克復吉安臨江等處遂加廷麟兵部尙書兼東閣

大學士賜劍便宜從事元吉副都御史總督江西湖廣諸軍以同升爲南

贛巡撫時唐王優禮鄭氏以閩事屬之芝龍長子森入見奇其表賜國姓

改名成功命提督禁旅以駙馬都尉體制從事芝龍議陳戰守事宜自仙

霞關外當守者計百餘處應設守兵若干其戰兵以今冬簡練明春出關

一出浙東一出江右計兵二十餘萬合閩粵餉不支一年仍請於兩稅正

供內米一石預借銀一兩令羣臣捐俸勸紳士輸助察府縣厯年積穀銀

兩未解者悉催赴行在遣侍郎科道徵發吏部主事王兆熊兼御史督御

餉急迫不輸者榜其門曰不義於是閩里騷然矣芝龍又請清理寺田可

得餉八十萬王不聽戶部侍郎李長蓓請廣開事例從之無論所養謀卒
皆得給劄授官猶苦餉不足守關兵僅數百人率疲癯不堪用設儲賢館
定十二科取士以蘇觀生領之已而招徠者多挾邪士王亦厭羣王以盜
賊之興皆由貪吏虐民欲效高皇帝之法懲之建陽知縣沈燦貪酷被劾
特勅誅之輔臣申救不聽由是人稍知懼廷臣日請出關王屢戒征期芝
龍輒以餉絀爲辭會賜宴大臣芝龍自以侯爵欲位首輔上黃道周爭以
祖制武職無班文臣右者終先道周芝龍鞅鞅不悅道周知芝龍無意視
師乃自請出關號召義旅旦藉以聯何騰蛟圖恢復王許之請兵請餉芝
龍皆不應僅給贏卒千人資一月餉齋空勅數百道而行時七月辛未也
南鼎釋史清史紀事本末
海上見聞錄小腆紀年

唐王隆武元年八月辛大學乙酉頒祖訓五十七條於閣部科道大學士
林欽楫率諸臣表謝庚寅命肅鹵伯黃斌卿出鎮舟山命吳江諸生孫文
中資手勅召路振飛及其至拜太子太保吏兵二部尙書文淵閣大學士

官其子太平爲兵部員外郎壬辰册曾妃爲后贈后父曾文彥爲吉水伯
癸巳行郊天禮於南郊芝龍鴻逵稱疾不從戶部尙書何楷劾其無人臣
禮宜正厥罪王喜楷敢言命掌都察院事命婦朝后於太和殿邵武知府
吳焄煒推官朱健聞敵畏蕙棄城先逃下獄誅靖江王嘉亨僭號桂林執
巡撫瞿式耜幽之兩廣總督丁魁楚遣總兵陳邦傳往攻封魁楚平粵伯
加式耜兵部侍郎式耜得釋卽令中軍焦璉合邦傳兵擒之械送福州行
保甲法於天興府定錦衣衛軍制設中前後五所每軍百戶曰一威所八
威所爲一禁軍時兵事皆掌於鄭氏芝龍自知衆論不平不出關無以弭
衆乃請以鴻逵爲大元帥出浙東彩爲副元帥出江西各擁兵數千號數
萬旣出關託候餉仍駐不行鴻逵駐仙陽鎮慮有上書言事者嚴禁仙霞
關不聽四方儒人入王檄催孔亟不應彩行百里而還稱餉缺留如故

九月清兵取徽州時李自成兵敗走九宮山爲村民鋤擊以死楚督何騰
蛟以聞其衆無所歸推其兄子李錦爲王同自成後妻高氏高第一功等

乞降騰蛟與攝撫堵胤錫往受之一時增兵數十萬王大喜告廟進騰蛟
大學士封定與伯胤錫右副都御史實授湖北巡撫總制其軍降將皆授
總兵官賜李錦名赤心一功名必正高氏爲貞義夫人號其營爲忠貞營
已而糧不繼降者稍稍散去高氏十三部就食施州衛其餘郝搖旗馬進
忠王進才張光翠袁應第牛萬才張先璧等十餘營悉隸騰蛟麾下軍勢
頗振然主內制於鄭氏不能出關相應援也

以上南疆繹
史榕城紀聞

晉曾櫻太子太保吏部尙書文淵閣大學士

殘明宰
輔年表

十月科臣劉中藻頒諭浙東魯王不受張國維熊汝霖等拒之也自是閩

浙相水火矣魯行人張煌言自請使閩從之原任兵部侍中王期昇御史

彭遇颺至行在加期昇總督銜遇颺僉都御史大學士路振飛曾櫻封還

內傳謂遇颺依附馬士英期昇在太湖奉朱盛徵稱通城王派餉苛虐不

可用王乃止楊廷麟疏至請王幸江右何騰蛟請駐湖南浙中諸將請如

衢州王以芝龍不足恃欲出贛入楚倚騰蛟會原任臨清知州金堡朝行

在言騰蛟可倚急宜棄閩幸楚王大喜卽擢堡兵科給事中決計由贛以
赴長沙遣大學士蘇觀生詣南安募兵戶部尙書何楷請告去相傳楷與
芝龍不合去至大田驛忽夜數十人排戶擒毆去其左耳未幾死之

南疆
釋史

小腆紀年海東
逸史榕城紀聞

十一月甲午類於上帝以釣龍臺爲天壇乙未禋於太廟丙午禡於社稷
丁酉以鄭鴻逵爲御營左先鋒出浙江鄭彩爲御營右先鋒出江西駕幸
西郊行推轂禮先期爲壇設先帝高皇帝位王御翼善冠詣壇所白官陪
位武臣戎服聽事王皮弁升壇拜謁立於神位西南面御營先鋒北西跪
兵部授鉞王東向揖之賜餞光祿寺授爵御營先鋒跪受爵誡勞畢謝恩
出率將士跪壇下王甲冑誓師乃鳴金鼓揚旌而出當授鉞時風雨晦冥
大風陡起壇上燭盡滅神位皆仆鴻逵出城馬蹶踣地識者以爲不祥下
詔親行以唐王聿釗鄧王鼎器監國大學士曾櫻協同芝龍留守以吳震
文爲隨營兵部侍郎王觀光爲隨營戶部侍郎皆兼吏戶禮三部事張家

王陳履貞為隨營兵科亦兼吏戶禮三科事命曹學佺修思宗實錄設蘭臺館以處之上全

清授張存仁浙江福建總督貳臣傳

十二月甲申王戎服登舟大學士何吾騶等隨行舟次芋江五溪百姓壺漿迎者載道皆賚以銀牌清佟養和金聲桓進剿福建分兵攻南贛敗永甯王羅川王閣部黃道周等壬寅道周師至婺源潰被執南贛巡撫劉同

升卒命萬元吉兼攝其事南疆釋史清世祖實錄

是年清遣內院洪承疇招撫江南御史黃熙胤招撫福建皆芝龍鄉人三藩

紀事本末

二年正月己酉朔唐王在建甯不受朝賀以三大罪自責令百官皆戴罪從行交趾日本國皆遣使入貢廣東布政使湯來賀運餉十萬由海道至擢來賀戶部右侍郎馬士英叩關求入朝王數其罪諭守關將士勿納士英七疏自理終不許魯監國遣柯夏卿曹維才來聘王加夏卿兵部尚書

維才光祿寺少卿手勅謂朕無子王爲皇太姪同心戮力共拜孝陵朕有

祚土終致於王取浙東所用職官同列朝籍不分彼此尋遣僉都御史陸

清源解餉十萬犒浙東江防諸軍而浙中相傳聞遣黃鳴駿來科浙中八

府糧蓋士英阮大鍼構之也方國安縱兵奪餉殺清源案係三月事而聞浙覺

益深矣熊開元罷以蘇觀生兼吏兵二部尙書行在文淵閣大學士出爲

經畧賜上方劍便宜行事王御門賜銀印曰瞻奉南北山陵安集軍民文

武官召見泉州方士蔡鵬授爲軍師南疆繹史海東逸史小腆紀年

二月馬脛嶺兵變命路振飛至浦城安撫之江楚迎王疏相繼至詔寬逆

案之禁王曰北京陷於東林南都亡於魏黨厥罪維均今中興之初嘉運

綦新附黨諸臣概予洗濯以收後効擢堵胤錫右副都御史巡撫湖廣丁

亥大雨雹風霾晝黑對面不相見廣西有僧自稱弘光召九卿科道議將

迎請廷臣曰卽眞弘光甫經失國有尊奉而無迎請已而有司審知其僞

下獄誅之嘉亨俘至下諸王議廢爲庶人以幽死誅其臣顧奕吳之琮楊

國威張龍翼等上全

太子少保戶部尚書文淵閣大學士蔣德璟罷殘明宰輔年表

在國少保吏部尚書兼文淵閣大學士路振飛赴浦城安撫兵變七月督

帥安關八月走泉州上全

三月戊申朔督師大學士黃道周殉節南京王聞慟哭輟朝贈文明伯王

將出汀入贛與湖南為聲援芝龍使軍民數萬人遮道號呼擁駕不得行

芝龍因具表請周天興王不得已駐劄延平封成功為忠孝伯掛招討大

將軍印以張肯堂為留守旋加少保總制浙直給勅印便宜從事辛未清

兵破吉安鄭彩棄廣信奔入關

四月五日萬壽節不受賀未幾撫州亦破命禮臣追復建文年號立方孝

孺祠先是汀邵間有大帽山峒蠻最强屢征不服益宗永甯王慈炎誘之

出降以與清兵戰屢捷遂復撫州清兵圍之鄭彩屯廣信府永甯王請救

其監軍給事中張家玉以三營往援圍暫解已而復合彩軍潰撫州遂破

永甯王死之峒蠻亦散報至舉朝震驚命削彩職戴罪圖功延麟元吉退守贛州清兵追攻之

五月競渡鄭芝龍率標營官軍於西湖門舟旗幟皆寫欽命藩王等日琉球國入貢廷試貢生取萬荆等十二人命爲萃士照庶吉士例送翰林院教習擢湖廣監軍道章曠爲右僉都御史巡撫湖北魯監國遣都督陳謙入閩久駐衢州持兩端自云魯已爵爲侯欲邀封召赴行在御史錢邦芑劾其外媾下獄將殺之芝龍與謙有舊亟入朝請以官贖謙死王故留芝龍久語密促行刑芝龍出已死矣因厚殮之由是益懷異志加吏部尙書郭維經六省督師銜募兵援贛贛已被圍兩月巡撫劉廣胤戰敗爰執援兵皆不敢前

六月開科取士命廣額七十名流寓者皆入試以編修劉以修閔肅爲主考舉葉瑣等一百七十五名士子多以賄進乃命於至公堂覆試落四名逮同考推官王三俊下獄追贓一萬兩浙東報至清兵已渡江取紹興魯

監國航海去江上諸師盡潰鴻逵駐城外聞報乃徒跣而逃三日抵浦城

事聞行在大震削其封爵以上南疆繹史小紀年榕城紀聞

魯王航海入閩十二月次中左所尋改次長垣

兵部尚書東閣大學士田仰奔閩封海忠伯尋迎降

兵部尚書兼東閣大學士督師防江無汝霖隨扈魯王入閩以上殘明幸輔年表

甯化長關黃通率田兵數千襲甯化城其黨黃吉亦率田卒千人襲清流

城

七月流寇四出焚劫鄉村富人子廩一空以上臨江彙攷

案通鑑輯覽載是年故明總兵姜正希率兵二萬復來襲汀州乘夜登

城清兵擊敗之斬萬餘級此事郡縣志俱不載豈所稱流賊者即指此

兵歟甯化志又載唐王聿鍵由延奔汀輔臣何吾騶即問道趨甯化返

粵是日田仰潰兵亦由間道出泉上傳為賊何相之彙而來九月總戎

李成棟統軍數萬由杉關入邵武趨汀州道取甯化時已歸順兵駐南

關過五日乃盡其時固有大兵臨江矣志亦不載

元子生大赦加恩從與諸臣悉進爵御史錢邦芑言浙東新破唇亡齒寒舉朝正切同仇之日非蒙恩受賞時也不報己巳王御門內侍捧小匣置御前詔諭羣臣曰朕本無利天下心以勳輔擁戴不得已勉徇羣策浣衣糲食有何人君之樂朝夕乾惕恐負重付豈意諸臣已變初志昨巡閱之使得爾等出關迎降書二百餘封今俱在此朕不欲知其姓名也今命錦衣衛焚之午門前爾諸臣其有名者尙洗心滌慮否倘能竭節奉公不渝終始是所望也王長身豐頤聲如洪鐘聞者悚息時決計幸贛芝龍百計阻之欲留王以自重既而陰通款於洪承疇托言海寇至馳還臨安盡撤關隘水陸諸兵隨之去清兵既破浙東長驅而前仙霞嶺空無一卒遂如入無人之境焉何騰蛟遣郝永忠以鐵騎五千迎駕將至韶州清兵已出衢州矣初楊文驄走處州唐王與之有舊拜爲兵部侍郎提督軍務至是援衢清兵至不能禦爲追騎所獲不降戮死

南疆繹史通鑑輯覽

八月甲申清兵克建甯明兵備僉事倪懋熹死之

小腆紀年

甲午王啟行監軍錢邦芑先期請清路猶赫赫頤指屬縣乙未駕至行宮

戎冠金蟒而入上好書雖崎嶇軍旅猶載書數十車以從丁酉上抵順昌

味爽未發至已刻一時排闥云清兵已及劍津燬關且踵至頃之行宮數

騎突出云駕已在內從行者惟何吾騶郭維經朱繼祚已而何與郭亦散

去曾后肩輿河干顧從官曰劉宮人有懷好護持就道辭旨慷慨妃媵狂

奔有一舸而數人者有一騎而三人者先是清兵抵仙霞關守浦城巡按

御史鄭為虹縱民出走自守空城與治餉兵科給事黃大鵬延平知府王

士和並被執死之至是王自延平出奔庚子入汀州城辛丑清兵奄至有

叩城稱扈蹕者開麗春門納之則追者八十三騎也守門百戶閔時死之

騎直入行宮從官恣散乃執王與曾妃去總兵福清伯周之藩戰死妃至

九龍潭投水死沈嬪陳嬪及內官死者十餘人王死於福州

二藩紀事本末小腆紀事

作王與曾妃同斬於汀州之府堂

其殉難之臣有唐王聿釗與第聿鏞部郎賴垓給事中

熊緯御營總兵胡上琛定遠侯鄧文昌等或曰代死者為張致遠王實未
死後鄭成功兵屯鼓浪嶼有遣使存問諸臣者云為僧於五指山然亦莫
必其真偽也是冬十月贛州聞王訃全城氣索會天霧雨雪城夜破督師
大學士兵部尚書楊廷麟戶部尚書姜一洪兵部侍郎左副都御史江廣
總督萬元吉俱赴水死吏部尚書郭維經御史姚奇胤入嗟峨寺自焚死
湖西兵備僉事太常卿彭期生自縊死兵部職方主事周瑚被執不屈戮
之右都御史楊文薦擒至南昌絕粒死翰林院編修徐復儀投厓死後聞
難繼死者尚書曹學佺通政使馬思禮等皆自縊御史艾南英縊於汀州
僧舍大學士蔣德璟於九月泉州失守不食死粵中永明王立遙上尊號
曰思文皇帝丁酉春復謚曰紹宗襄皇帝

閩事紀畧南疆繹史清白士集
臨汀彙攷小腆紀年惲遜菴遺

集

時大學士何吾騶走廣州十二月迎降大學士曾櫻路振飛走居中左所
大學士黃景昉走泉州大學士朱繼祚走興化呂大器奔廣東熊開元為

僧太僕寺少卿王瑞枏避山中有欲薦令出者自經死振飛後赴桂王召卒於途都督胡獻深與其妾衣冠對坐飲藥於私第有趙昂者不肯薙髮從容刎死於家先是阮大鍼赴江干乞降從清兵攻仙霞關僵柁石上死馬士英既降清兵至順昌搜龍扛得士英等請唐王出關已為內應疏遂斬之延平城下

明紀殘明
宰輔年表

福建既平鄭芝龍自安平奉表降其子成功慟哭而諫芝龍不聽成功乃與鄭鴻逵鄭彩等各率所部入海

明紀

金壇人王祈聚眾入建甯屬縣多響應清總督陳錦張存仁侍郎李率泰統兵六萬來圍建甯永明王使揭重熙赴援至邵武不能進建甯遂破王祈力戰死

懌遊菴
遺集

十月桂王監國肇慶府十一月即位以明年為永曆元年

小曆紀年以命
為十一月事

太保兵部尚書中極殿大學士陳子壯節制兩廣江西湖廣福建軍務

殘明

宰輔年表海
上見聞錄

偏將田國泰領兵來甯化以勦長關爲名時連上武永諸鄉各起兵相應
汀兵不能支國泰之來聊以警黃通通不爲動知府李友蘭至甯親詣中
沙招通給通守備劄而返時通大行賂李與通盟餽送如平交通既受劄
更自出劄受千總每一劄送鄉之殷實或黠猾者吹鼓旗導至舍儼如受
朝命千總受劄後復買私劄送異鄉之豪而取償焉自清流歸化泰甯永
安沙縣諸村落千總令旗往來如織臨汀
景攷

清征南大將軍貝勒博洛奏既定全浙隨分兵由衢州廣信兩路進師福

建固山額真公圖賴等擊敗明閣部黃鳴駿後走福
州迎降等於仙霞關遂破浦

城前鋒統領努山等擒斬明巡撫楊廷清李暄分遣署護軍統領杜爾德

前鋒參領拜尹岱等攻下建甯延平等府聞唐王朱聿劍遁走汀州遣護

軍統領阿濟裕尼堪杜爾德等率兵追襲直抵城下奮擊先登斬唐王及

朱陽曲王朱盛渡西河王盛淦松滋王朱演漢西城王朱通簡等撫定汀

州其總兵姜正希率二萬復襲汀州乘夜登城我兵擊敗之斬殺萬餘級

固山額真宗室韓岱等破其總兵師福軍於分水關入崇安縣俘斬其巡撫楊文忠等撫定興化知府劉永祚死之取漳州漳南道傅雲龍知府金麗澤知縣涂世名死之遂取泉州署梅勒章京趙布泰等襲克福州前後連勝二十餘陣降其總兵二十員副將四十一員參遊七十二員馬步兵六萬八千五百餘名福建悉平獲璽九顆馬贏輜重無算

通鑑
輯覽

原友道系

夫

福建通紀卷十一

清一

世祖順治四年正月明永曆元年魯監國二年先是魯王南奔至石浦張

名振護王航海至舟山守將王斌卿不納王浮海至廈門復入南澳鄭彩

率舟師迎王王命彩討殺斌卿封彩建威侯提督楊耿彩弟總兵聯皆以

兵來會進彩建國公名振定西侯耿同安伯聯定遠伯周瑞閩安伯周鶴

芝平彝伯阮駿蕩湖伯魏芝之復海口以參謀林箛舞總兵趙牧為守時故

尚書張肯堂募兵海上貽書招之前僉都御史金衢巡撫劉中藻以眾來

歸授為兵部尚書兼東閣大學士商驅釋史小腆紀年殘明辛輔年表

魯以劉中藻督師浙閩魯王次閩安鎮殘明辛輔年表

二月壬申魯王兵襲海澄明日攻漳州不克總兵陳國祚戰死又明日清

兵攻海澄南師退入於海海東逸史小腆紀年

世祖詔曰朕平定中原惟浙東福建尚阻聲教爰命征南大將軍貝勒博

洛振旅而前既定浙東遂取閩越先聲所至窮寇潛遁大軍掩追及於汀

水聿釗授首列郡悉平一切官民人等從前罪犯咸赦除之橫征逋賦概

與豁免山林隱逸各以名聞錄用民年七十以上給米絹有差清世祖實錄

以終國鼎巡撫福建清世祖實錄

以朱鼎新為左布政使趙林翹為右布政使楊御蕃為按察使東華錄

魯王兵克漳浦以閩人洪有楨為令五日復陷釋史作四月事彩至海壇徵派鄉

民不服彩攻之被誘深入失兵將無數退回同魯王至廈門聯糾合浦南

橋義兵楊重等入漳浦縣以洪有楨為縣令未幾縣破有楨被執不屈被

高聯復攻海澄見敵騎至即走爭舟多墜水死者平和縣曾慶等與詔安

等處義兵立德化王慈華陷大昌攻順昌將樂然皆為清兵所敗海東逸史南疆

釋史海上見聞錄小腆紀年

案漳州逸史作漳平洪有楨見聞錄作龔有楨逸史作洪有文龔洪音

近而誤同安阮錫夕陽寮稿作有楨字亮士嘉禾里人今皆從其多者

明監國魯王遣兵攻福州不克又遣兵攻福清不克小腆紀年

鄭彩及熊汝霖取福甯州諸縣響應遂入興化府汀邵亂進據建甯清陳

錦佟國器李率泰督兵至破建甯並復所失州縣海上見聞錄

初芝龍密諭成功欲與俱見貝勒成功諫不從鴻逵陰令逸去芝豹奉母

黃氏居安平成功率所部入海聞永歷即位遥奉年號稱招討大將軍有

眾三百人訓練於廈門之鼓浪嶼委黃愷於安平措餉識者知其可與有

為鴻逵舊將咸歸心焉成功以洪政陳輝為左右先鋒楊才張進為親丁

鎮郭泰余寬為左右鎮林習山為樓船鎮攻海澄數日清援兵至洪政中

流矢與監軍楊期演死之遂退兵入粵初清兵下瀘溪以李光署縣事邑

貢生魏一柱縛光送鄭彩所高之畫策守瀘敗清兵於密潭至是王得仁

李自成部將左夢庚率之投誠江右族瀘之丁傅魏三族一柱棄妻子走閩襲破將樂結德

化諸藩攻克建甯清兵至圍而攻之五閱月始破一柱與諸藩俱死海上見聞

錄三藩紀事本末

福建通志卷一

通志十一

三月魯周鶴芝攻閩安林質復德化再攻建陽敗死小勝紀年

福州府學廩生林化熙全髮被獲至府學興賢坊口望拜先聖見總督張

存仁不屈坐殺於宣政街榕城紀聞

四月明岑本高等攻浦城為副將李繡敗死小勝紀年

鄭成功復海澄先是博洛使人挾鄭芝龍北行隨親統馬步兵入安平芝

豹倉卒棄城率家屬登艦泊外海成功母田川氏獨留守兵入掠其地氏

拔劍剖腹死成功聞報痛哭出師全軍皆編素師至博洛見帆檣雲集軍

容烜赫大懼星夜引兵還泉州成功遂取海澄入九都清史紀事本末

鄭西王復建甯其裨將王祁復邵武祁營山中取民間几案數百張每懸

大線香數百炷黑夜順流環城而過守者謂祁兵薄城砲石大下遲明方

知其偽城中習之不疑一日祁突至遂破南疆釋史

汀州甯文龍遣姪泰宇斬黃通于下埠並執通第允會自是諸鄉絕干總

之跡矣臨汀錄

五月福建大水小勝紀年

張存仁以周鶴芝據福州鎮東衛竝海口民城屢肆剽掠副將滿進忠等

分兵擊下屠之東華錄塔城紀聞

海口之下林籥舞趙牧死之周鶴芝退守火燒嶼南疆釋史

六月魯王兵攻漳州不克錢肅樂來覲授兵部尙書海東逸史南疆釋史

已酉明前福建提學道毛協恭被執於建甯不屈死之小勝紀年

汀州知府李友蘭總鎮于永綬提兵至甯化誅巨惡千總陳元等及謀主

黃居正而僞千總馬文吳堅俊及黃允會等友蘭悉許就撫臨汀彙攷

七月魯王親征會鄭彩周瑞周鶴芝阮進之師攻福州敗績海東逸史

義師起八郡同日發福州城中約舉火相應至期燒鼇峯狀元亭時天色

已亮遂潰於金雞山殺舉人林桓聲傳牌保長三人牌係義師令也榕城紀聞

浙閩總督張存仁奏莒州洞賊李長蛟僞軍師王國用陳泰鐘等陷建甯

府總兵官李應宗副將曹允吉死之鄭彩等亦於是日進口燒斷漳州江

福建通志已清一
通志十一

東橋長秦海澄龍溪盡為彩等出沒之所餘黨分擊同安安溪諸處

東華錄

八月丙戌魯王兵陷連江縣治據之屯兵北嶺窺福州索餉諸縣

南疆紀史海東

逸史連江志小勝紀年

永甯王長子妃彭氏據九龍砦糾兵數百人攻歸化敗妃奔洋源初江西

破妃寓汀州清兵入關後避匿永安貢川間有潰將范繼宸知而迹之輸

誠焉繼宸落魄山寺久之至延祥自露其事鄉之無賴遂密迎致妃以繼

宸掌兵事楊禾兄弟為前鋒聚眾數萬人妃自督之

臨汀彙攷

鄭鴻逵遣人語鄭成功安平地褊小且無險可守勸之取泉州願以師助

于是成功至白九都會師于泉之桃花山清提督趙國祚

一作佐

率數百騎

衝營成功將張進揚才迎戰鴻逵遣林順等夾攻破之別遣水兵破溜石

礮城斬清參將解應龍時在籍御史沈佺期光祿卿林橋升主事郭符甲

推官諸葛斌皆舉兵應守西城將楊義鄉宦郭必昌之子顯約內應斌事

洩斌已率兵逼城全軍覆沒國祚殺郭顯滅其家九月漳州副將王進率

兵來援泉州圍始解海上見聞錄小腆紀年清史紀事本末

十月小腆紀年魯王兵攻長樂永福閩清皆下羅源知縣朱丕承甯德知

縣錢楷皆以城降海東逸史

魯大學士劉中藻起兵攻福甯鎮將涂登華降魯王以前尙寶寺卿李向

中為兵部侍郎巡撫福甯海東逸史南疆繹史

魯兵部右侍郎林汝翥吏部員外郎林奎起兵攻福清據海口城清兵克

之翥盜被執不屈死南疆繹史海東逸史福清志

巡按周世科開妄告之令無賴之人輒肆志於鄉紳大室凡城外民獲進

者俱指為賊前松江知府陳亨被人告責十五板前戶部主事林宏衍鎖

鍊到官前處州府知府鄭奎光鎖拿到官餽銀八百兩免罪榕城紀聞

十一月山寇陷政和縣城知縣沈孚建縣丞孫克孝邑紳宋德遠死之政和縣志

十二月以陳錦總督浙閩清世祖寶錄

清世祖寶錄

鄒彩攻福州副將鄒必科等敗走之清世祖實錄

是年閩賊羅挺乘虛犯將樂署縣錢榜守孤城巷戰力屈被害事聞部議

格以署員不及邀軫恤之典禮山園文集

五年春正月明永曆二年魯監國三年魯王在閩安鎮海東逸史

明前大學士朱繼祚起兵會魯同安伯楊耿襲興化分巡道彭遇颺故南

都御史也伺其守將出戰乃登陴盡易明幟守將不敢入城遂下海東逸史小腆

紀年

原任浙閩總督張存仁奏明宜春王朱議衍自江西入據汀州山寨總兵

官于永授破其寨議衍就擒命誅之東華錄

鄭彩忌熊汝霖夜遣兵殺之並其全家及義興侯鄭遵謙海東逸史殘明

見聞錄

彭如復率范繼宸廖心明等數千人由石城出禾口口沙烏村抵延祥駐

焉臨汀縣政

二月由延祥移營復出歸化雷澗參將王夢煜邀擊之執彭妃廖心明

如子走石城後不知所終彭妃旋奉旨絞于汀州靈龜廟妃死日責數郡

邑官詞義慷慨毫無懼色臨汀景攷

魯王以錢肅樂為東閣大學士力辭弗許時鄭彩橫專朝政諸鎮皆惡之

肅樂日中繫牒王舟之次稟擬章奏封進後即解維別去每入見即流涕

不止日朝衣拭淚昔人所譏而臣今不能禁王亦潸然江西金聲桓遣部

將郭天才援閩與巡撫佟國鼎有隙遂以兵歸魯王封為忠勤伯南疆釋史

官兵復連城順昌將樂擒魯侍郎趙士冕總兵黃鍾靈等斬之清世祖實錄東華錄

三月清兵克興化明大學士朱繼祚吏科給事中林崑興泉道湯芬知縣

都廷諫死之克永福里居給事中郎勝朝確節詩臣錄作郎正畿御史林逢經死之

克長樂里居御史王思及小腆紀年死之克建甯明郎西王朱常潮守將

王祁死之祁巷戰不勝自焚魯王在閩先後復三府一州二十七縣温台

響應軍聲頗振至是皆失僅留甯德福安二縣海東逸史小腆紀年南疆釋史

四月甯化賊鄒華率邱選合大禾尙等攻本縣副將高守貴却之大禾尙

江西明宗室不知其名先竄龍上里大坑口一時響應聚眾數千閏三月

遣牌至甯化諭降至是與鄒合

臨汀 彙攷

五月流寇乘江西金聲桓之變聚眾十數萬逼汀州總兵于永綬副將高

守貴力禦之大小數百戰城中米一石價十六兩豆麥一石價十兩饑孳

載路七月寇退米價稍平

臨汀 彙攷

鄭成功攻同安守將王彪祁光秋出戰成功遣將甘輝敗之彪光秋棄城

走遂取之

三藩紀事本末 清史紀事本末

六月提督劉忠率兵入連江縣平賊

連江 志

明桂王命少師兼太子太師吏兵三部尙書建極殿大學士姜曰廣督師

江西恢復京湖閩浙

殘明宰 輔年表

魯王兵部尙書大學士錢肅樂卒王震悼輟朝賜祭予謚陰

南疆 釋史

七月清帥佟國鼐李率泰陳錦合師逼同安成功部將邱縉林壯猷守大

盈嶺以扼泉師金作裕守苧溪嶺以扼漳師知縣葉翼雲督民兵守城清
領旗黃有信率驍騎冲突縉中流矢壯猷不支遁入城作裕聞之亦歛軍
回分門死守清師曉夜攻擊八月城破縉壯猷作裕皆巷戰死翼雲曰今
日猶得死於明土吾輩之幸也與教諭陳鼎皆不屈死清師以城內堅拒
不下屠之死五萬餘人初同安有陳世胄者綽號泥鰻聞仙遊羅漢山王
志章能刺陰陽事世稱生閻羅在候之志章預置片紙使童子投世胄讀
之有泥鰻死半途同安血流溝嘉禾斷人種安平成平浦之語悚然奔告
成功成功妄之既而世胄果至小盈嶺暴亡同安之屠血流溝渠是後凡
獲滿兵輒斷其踵放回欲以厭嘉禾斷人種之讖嘉禾廈門舊號也康熙
癸卯李率泰請棄諸島安海城竟毀折廈門遷空無人者一紀果斷人種
安平在界外亦遂成平浦焉

海上見聞錄
小隴紀年

朱成功在銅山修船練兵聞同安告急整師往救抵金門而同安已破清
漳浦守將王起倖謀降事洩棄家從舊鎮奔銅山成功以爲總練使同柯

宸樞聯絡銅山等處募兵措餉詔安縣人林日灼鼓眾拒之成功令甘輝

擊斬日灼復詔安

小腆紀年清史紀事本末

浙閩總督陳錦奏鄭彩等連船千餘盤踞長樂連江等縣陳泰李率泰分

兵夾擊盡驅出海長連二縣次第恢復又統師直入興化生擒偽總督顧

世臣等十二人斬之興化平

東華錄清世祖實錄

有粵寇張黃二姓不知其名由永定上杭出清流屬鄉而抵延祥楊禾兄

弟恃勇與戰敗死寇遂出歸化時又有遊僧偽稱隆武者愚民信之亦聚

眾數百人張黃應之同犯歸化歸化堅壁以老之乃去至永安遊僧被誘

殲焉張黃獨疑不入城宵遁是時四鄉皆賊營矣

臨汀彙攷

清以張學聖巡撫福建

清世祖實錄

十月明封鄭成功為威遠侯成功尋復雲霄降將張國柱敗歿守備姚國

泰就擒

小腆紀年清史紀事本末

魯大學士馬思理卒沈宸荃相劉沂春副之

南疆釋史

十二月鄭鴻達鄭成功復福建沿海州縣奉表報聞於桂王永歷實錄

是歲大饑成功及彩各發兵民船至高州糴米州為桂王總兵陳邦傳所

轄成功船免餉時斗米千錢海上藩鎮分駐各島魯王別將周鶴芝周瑞

張名振阮美守舟山彩聯守廈門鴻達守安平之白沙使其將陳豹守南

澳成功泊廈門以芝鵬護家眷張進守銅山鄭香守海澄之石尾後為清兵所破

二子廣糧餉缺乏取之民間而彩營將章雲飛擾民尤甚鴻達遂率舟師

至潮州隨地取餉時閩中舊相張肯堂以私財募兵海上魯王贈書約共

事海上見聞錄三

是年清命霍達巡按福建貳臣傳

六年海上稱永曆三年正月監國魯王次沙埕南疆逸史永曆實錄三藩紀事本末

廣東李成棟迎永曆詔各勲鎮考試諸生赴廣省鄭成功送生員葉后詔

洪初關等十數人同黃志高齎本赴行在舟至潮陽遭風不得達獨志高

至粵詔以為兵部職方司王事使監成功軍封成功為廣平王命以舟師

取南都其後成功入長江承此詔旨也漳浦副將王起鳳一作密赴成功

納欵謀洩棄家由龜鎮至銅山投見授以都督同知掛統練軍門印三藩紀事

本末海上見聞錄

明鄭鴻逵復泉州入奏桂王優詔獎勵之永曆實錄

浙閩總督陳錦奏福州總兵張應夢復羅源縣右路總兵馬得功復永春

德化二縣擒其總師顏昌儒等平三百餘寨東華錄

開福建鼓鑄上全

二月郭天材潰兵以鐵騎千餘突來攻甯化城至夜遁去臨汀彙攷

三月清兵復取明甯德小腆紀年

鄭成功遣施琅楊才黃廷柯一作宸樞等攻漳浦守將王起鳳降留黃廷

洪政守漳浦之羅山嶺柯宸樞守盤陀嶺自統兵下詔安屯分水關全上三藩

紀事本末

浙閩總督陳錦奏福清等二十縣士民同心效死守城忠義可嘉請免本

年丁徭以示鼓勵奏下部議東華錄

夏四月清兵克福安明兵部尙書大學士劉中藻衣冠坐堂上為文自祭

服金屑死其部將董世南小腆紀年亦死之翰林院簡討兵科給事中錢

肅範被執不屈南疆釋史

福建巡按霍達奏官兵復平和詔安漳平甯洋四縣清世祖實錄

調王之綱充汀州總兵官馬得功充泉州總兵官上全

五月以丁文盛為福建左布政使周亮工為福建右布政使東華錄

六月清兵攻陷福建沿海州縣永曆實錄

魯定西侯張名振復健跳所遣使迎魯王南疆釋史

七月魯王復入浙次健跳所鄭彩棄王去從王者大學士沈宸荃劉沂春

禮部尙書吳鍾巒兵部尙書李向中戶部侍郎孫延齡左副都御史黃宗

羲兵部職方司郎中朱養時戶部主事林瑛及右僉都御史張煌言等每

日朝於水殿南疆釋史

贈福建陣亡遊擊張鳳岐官

贈福建陣亡參將路運皞桂顯官

八月福建巡撫周世科貪婪無忌屢用非刑殺人罪在不赦法司按律凌

遲妻孥家產籍沒入官命斬之沒其妻孥家產

十月明兵陷興化府署府事福州府推官黎樹聲死之撫按以聞贈樹聲

本省按察使司僉事廕一子入監讀書以上東華錄

海上兵進雲霄港由白塔登岸守將張國柱迎戰敗死中軍姚國泰拒守

城破國泰重傷獲之令醫治送軍前收用遂進攻詔安駐營龍峯磁竈等

處清副將王之綱等調集各縣兵攻盤陀嶺值大霧諸軍各不相顧宸樞

同其弟宸梅俱戰死成功大痛海上見聞錄

案宸樞之死三藩紀事本末以為本年三月事小腆紀年以為明年六

月事且有失浦詔語然浦城並未失詔安並未得何失之可言今不從

十一月清兵克延平將軍寨明德化王慈燁死之小腆紀年

鄭成功解詔安圍去

海上見聞錄

十二月粵中遣使封鄭成功為延平王

海東逸史

七年

海上稱永曆四年

三月浙江福建總督陳錦奏官兵生擒明新建王朱由模

及其黨朱由秧黃繼盛命斬之

東華錄

四月鄭成功攻揭陽之新埠寨克之尋詔安人張禮率眾數千歸之

清史紀事

本末

六月鄭成功圍潮州降將王邦俊聞之率兵取雲霄

清史紀事本末

是月鄭成功引兵攻蘇利不克鄭芝鵬芝莞說成功取廈門用施朗策以

米千石餉鄭聯欲襲取之聯不疑彩曰是毒藥也議全軍出避聯不從

上海見聞錄

七月桂王命曾櫻以原官督師閩浙

永曆實錄

八月鄭成功取廈門金門廈金兩島為鄭彩鄭聯所據時彩遠出惟聯在

廈而嗜酒十五夜聯宴於萬石巖成功船至盡收其戰艦兵卒陳俸藍衍

等皆歸附撥親隨兵守着宅詰朝聯出迎將士鷲服不敢動芝鵬因說成
功邀聯飲萬石巖夜歸伏甲於路殺之遂併兩島彩以舟師百餘艘逃於
廣南海之間招之不至以周瑞為水師右軍掛印黃大振為援勦前鎮藍
登為援勦後鎮芝莞守廈門阮引何德管水師藍登管陸師軍威大振上

見聞錄清史

紀事本末

清定福建官兵經制東華錄

九月小腆紀年鄭彩與鄭成功爭廈門為成功所敗泊沙埕張名振擊破

其餘兵海東逸史

十月鄭成功取銅山南澳閩安諸島成功命洪政招安諸島悉聽約束小腆

紀年清史
紀事本末

福建提督楊名高奏官兵進勦邵武擒明甯南伯洪國玉總兵李安民閣
部揭重熙命斬之甲申之變原任福甯州知州揭重熙同副總兵洪日升
起兵勤王南京破重熙復招集鄉勇徐組綬等起兵湖東會益王兵起既

敗重熙復趨福州聞唐王赴贛州倍道趨之爲清兵掩擊大潰收散卒至安東諸砦令聯絡以待而身入南昌以覘虛實五年金聲桓與王得仁以南昌叛迎重熙重熙赴粵求援金玉敗死其故將張自盛歸重熙駐閩重熙赴其軍是年自盛掠邵武戰敗被執重熙至百丈礮亦被執至建甯日求死十一月三日戮於南街市口

東華錄三藩紀事本末

十二月鄭成功率舟師援粵東成功聞廣州事急乃以芝鵬守廈門自率

諸鎮南下勤王

清史紀事本末

除日四營頭賊突入甯化烏村執東南山男婦殆盡烏村民悉竄入倒虎巖七層巖賊分圍兩洞口束草蕪而投之洞中倉屋皆火山石爆烈人畜燼者以千計火三日不絕諸村蕭然無人賊遂從中突入趙家原畢家地破之屯其地逾月時總鎮駐甯化邑中按兵不發四營頭者始皆明之潰將惟張自盛綽號老虎者所部獨稱能戰官兵頗憚之餘知名者爲洪國玉曹太鎬李安民他如林珍黃徽印等皆附之卽揭重熙亦利用焉合衆

至數萬人往來邵武建昌贛州各屬縣所過地毛如洗流毒江閩者二年
及是四營敗離析其營分頭剽掠十月間林黃等突駐嶺關及溫家山至
是忽從泉上蓮花頂入烏村兩巖千命遂遭其毒

臨汀彙攷

八年海上稱永曆五年正月王總鎮發兵至甯化二月師出水西勦甯文龍以其

擅殺副將魯雲龍也

臨汀彙攷

閏二月鄭成功師次平海衛閩撫張學聖乘其遠出同提督馬得功集同
安縣十八堡劉五店各處民兵及船攻廈門芝莞怯懦載輜重下船得功
數十騎先從五通登岸無禦之者守高崎水師鎮阮引不戰而退城中百
姓號聲動地成功妻董氏抱木王至海邊不得船居民林禮於水中負登
舟至芝鵬船是夜亂兵毀店舍火光竟天前大學士曾櫻在城中家人掖
之出櫻曰此一片清淨地正我死所將何之哉縊於所居樓上學聖渡海
見島嶼孤懸波濤洶湧驚爲絕地卽引兵回令知縣張効齡安撫居民馬
得功走筭管港鴻逵命揚杼素截港圍之部將吳勃戰死施朗率陳壩鄭

文星登廈門港與戰得功幾為所及得功求過海鴻達以舟載得功三百

騎及餘兵內渡海上見聞錄永歷實錄清史紀事本末

四月一日鄭成功自天星所回師到浯嶼不許諸將與鴻達相見鴻達移

屯金門之白沙十日成功駐廈門港議失守功罪賞施朗銀二百兩陳璵

一百兩斬芝莞阮引以狗何德細責藍登免罪命洪旭管理中軍張名振

周鶴芝阮駿等自舟山來歸授水師鎮潘庚鍾等為參軍海上見聞錄

鄭成功親閱各要口築礮臺撥勁旅守之清史紀事本末

五月鄭成功與清總兵王邦俊大戰於漳浦之南溪成功憤廈門金穴之

覆率中提督甘輝左先鋒鎮蘇茂中衝鎮藍登宣毅左鎮杜輝援勦後鎮

陳魁左衝鎮郭義右衝鎮蔡祿後衝鎮林明前衝鎮統領余新奇兵鎮楊

祖智武鎮藍衍等從南溪登岸漳州總兵王邦俊列陣於磁窰以待杜輝

藍登奮勇爭先矢將盡少怯余新楊祖蔡祿陳魁左右夾擊之邦俊遂潰

閉城不出三藩紀事本末小腆紀年

九月鄭成功攻漳浦小腆紀年

魯王監國入閩工部尚書兼東閣大學士沈宸荃扈從永曆實錄

十一月清提督楊名高與鄭成功兵戰于小盈嶺伏左右起兵潰沒幾盡

遂遁返泉州清史紀事本末

十二月成功乘勝進薄漳浦守將楊世德陳堯策出降授世德英兵鎮堯

策護衛前鎮英義將軍阮駿自舟山來歸清海澄守將郝文興亦遣人通

款成功以人多餉乏為憂參軍馮澄世曰方今富足莫如日本前翁大夫

人來歸國王意甚厚若以物禮通之借彼地產以足吾用然後下販呂宋

暹羅交趾諸國源源不絕則糧餉足而進取易矣成功然之既獲日本鉛

銅之助又以黃愷為徵餉官督徵漳泉福興沿海軍餉小腆紀年

九年明永曆六年魯監國七年正月朔魯定西侯張名振大學士沈宸荃兵部右一作左

侍郎張煌言扈魯王至廈門海東逸史

鄭成功以宗人府府正禮朝見魯王行四拜禮贄千金紬緞百疋供應甚

殷從臣亦皆有贈尋奉王居金門全上小

贖紀年

鄭成功取海澄成功乘潮大漲航海直抵中權關守將郝文興已有密約
迎成功入城授前鋒鎮掛印以參軍黃維璟知縣事有同安浯州人周全
斌投謁成功問策將安出全斌對曰以大勢論之藩王志在勤王必先通
廣西達行在會孫可望李定國連師粵東出江西從洞庭直取江南是為
上策今李成棟已沒廣州新破是粵西之路未得通徒自勞也今且固守
各島上踞舟山以分北來之勢下守南澳以遏南邊之侵與販洋道以足
糧餉然後取漳泉以為基業由汀郡福興水陸並進則八閩可得矣成功

大悅授房宿鎮海上見聞錄

小贖紀年

二月清贈福建殉難遊擊尚香策都司雷世清張天才官東華錄

鄭成功進兵攻長泰部將吳世珍奮勇登城死於礮成功令火器營何明

鑿地道用地雷轟其城海上見聞錄

三月十日地雷發不及城而止總督陳錦督馬步數萬來援十一日營於

牛蹄山相去五里成功乃移營江東橋錦欲擊之遊擊張玉諫曰海賊國

姓少年英勇多詭計見扎江東未可遽進且深溝固壘密通漳鎮遣一旅

由長泰小路擊之使彼首尾不顧乃可破也錦斥曰此螻賊何足掛齒麾

軍逼戰十三日親來衝營成功率諸將迎擊錦大敗全軍俱覆奔回同安

王進棄長泰以數十騎走漳州初漳州副將王進勇無敵號老虎成功部

將甘輝與戰於北溪兩馬相搏不相下已而兩家兵至乃解進入長泰城

破進走郡城陳錦之敗也慙憤偶食不如意鞭奴庫成棟幾死棟刺殺之

以其首奔成功賜姓始末陳錦為內監李進忠成功嘆曰僕隸之人而皆

戕其主是天下無刑也厚給其家而梟成棟首示眾島民大服小腆紀年

長泰守將楊青棄城遁成功以參軍馮世澄知縣事甘輝為中提督黃廷

為前提督黃山為後提督於是平和詔安南靖皆下海上見聞錄

四月進圍漳州清浙江金衢鎮馬進寶號金衢馬率兵來援成功召諸將

問計甘輝請戰成功曰不然凡用兵之道豈可全恃勇力當明彼此之情

今陳錦新喪提調無人以素驍勇之進寶來必以一當百今且勿戰縱之入城然後圍之城內人多糧必乏外調既遲內勢窘促破之必矣乃撤萬松關及龍江兵令避援兵進寶率精騎一千步兵三千馳至灌口不見敵將安營而四面搖旗吶喊終夜不散卸甲登高見營柵布滿山谷惟往漳一路無阻引軍入城成功進兵圍之進寶與王邦俊從東門出戰成功令陳勝陳斌蘇茂蕭泗迎戰而自與甘輝周全斌陳堯策郝文興雲梯攻城進寶棄陣奔回嬰城固守諸軍攻圍不下議築鎮門象鼻山截溪流不得入海欲以灌城而奔流迅急堤不得合成功不攻城築長圍以困之城中兵括富戶及百姓粟食之民相枕籍餓死殺人爲食至有婦人羣聚擊男子而分食其肉者毋論鼠雀及樹根本葉水萍紙及皮之屬盡食之稀粥一椀直四金自四月至十月城中死者十之七八城中百姓裁餘一二百人第舍萬間率洞開不閉室中虛無人其一二百人者指溝中白骨歷數其生前姓氏里居語人有士子率妻子闔戶一慟而絕隣舍兒竊煮食之

視腸中纍纍然皆紙絮不化隣舍兒亦廢箸自絕後署守道周亮工收蠲
體凡七十二萬有奇焚埋於東門外名曰同歸所築萬善庵其上勒石記

之城外死者骸骨無數不與焉

海上見聞錄三藩紀事本末
小腆紀年說鈴簪雲樓雜記

五月汀州四營頭賊札甯化巫家蕪黃允會發兵禦之允會弟黃吉被獲

賈金以贖賊納賂仍殺之

臨汀
彙攷

六月贈福建殉難知縣董濟錢嘉倫高咸臨胡天湛官廕

東華
錄

七月四營頭賊全營出泉下焚邱坊民房數十區次日札泉上之羅坊官

衙坊破三砦焚民房千數百餘區擄掠男婦五百餘口皆批票索贖有諸

生閩媛富戶已輸贖而仍見殺者

臨汀
彙攷

九月成功督師入漳浦清總兵固山金礪領浙直八旂兵及漢兵萬餘入

入閩來援至泉州成功解漳州圍退屯古縣據險以待金礪由長泰入漳

州十月二日晨西北風盛金礪率滿騎衝營成功營火箭火砲皆反風自

焚滿兵乘烟衝突成功兵潰退屯海澄黃山陳倬廖敬郭廷洪承寵皆戰

歿聞錄

是月張天祿奉命赴閩援漳州抵延平擒黃雲紀陳天鐸等會都統金礪

已解漳州圍天祿留駐延平勦各山賊貳臣傳

清世祖賜浙閩總督劉清泰敕令招降鄭成功東華錄

十一月施朗前在南灣蘇茂代之欲復任成功不與會朗有親兵曾德逃

成功所朗促殺之成功怒令執朗與林習山拘在船中以副將吳芳守之

朗家人假成功令調回審究吳芳即同登岸至草灣朗擊吳芳及從人仆

逸去藏山穴中兩日矣夜投蘇茂茂以小舟載渡海投誠改名琅成功欲

斬習山未果殺吳芳妻子及朗父大宜第施顯以中協林勝為援勦左鎮

海上見聞錄

十年海上稱永正月魯王在金門海東逸史

二月浙閩總督劉清泰奏廈門一窟係鄭氏老巢撫臣張學聖道臣黃澍

鎮臣馬得功垂涎金幣乘成功他出潛師往襲悉搜其家貨以致鄭氏索

福建通紀清一

通志十一

償修怒海郡淪陷按臣王應元徇隱不奏深負巡方言官之職請交部議
罪得旨張學聖馬得功黃澍王應元俱革職著刑部速差滿官拏解來京

嚴訊具擬東華錄

三月魯王自去監國號奉表行在南疆釋史 永曆實錄

鄭氏攻鎮東海口松下大社小社焚劫鄉社攻海壇時土寇陳西賓迎拒

敗降以周崔之守之臺灣日錄

四月免福建福州等六府九年以前荒地額賦三之一東華錄

清岡山額真金礮調水陸官兵船隻欲攻海澄成功遣水師林察周瑞周

鶴芝阮駿黃大振等堵截諸港郝文興王秀奇陳堯策偕萬禮守鎮遠寨

黃延甘輝守關帝廟木柵成功駐天妃宮親行督戰時海澄城壞十餘丈

成功坐將臺指揮自若忽一夕礮管空礮遞發成功驚曰敵將臨城矣令

勒兵以待清史紀事本末

五月四日金礮至天妃宮前安大小礮數百號連擊木柵兵多擊死五日

後勁鎮陳魁後衝鎮葉章率精勇數百乘礮烟衝進葉章死之陳魁傷左足成功令收兵固守以周全斌管後衝鎮揚正管後勁鎮率諸將上敵臺望張蓋而坐清礮火齊發甘輝急翼成功下而位隨擊碎矣鎮遠築新築濠條崩壞如平地令軍士掘地藏身火器管何明率洪善就夜分埋火藥河溝邊藥心相續候令而發六日黃昏滿兵礮火不絕至五鼓頭疊綠旗兵二疊滿兵填壕攀柵而上兵皆重鎧刀不能傷城上兵俱持大斧擊之墜則後列者乘其屍而登三疊滿將齊進銳不可當天色漸亮滿兵大半過河而所埋地礮發烟蔽天過河者盡死其未過河者甘輝截擊之金礮精銳盡喪逃回十二日成功回廈門於教場設宴犒諸將士以忠孝伯印付甘輝輝不敢受以擅離海澄縣殺知縣黃維璟遣監督池士紳齎蠟丸表由陸路詣永曆行在永厯遣兵部主事萬年英齎勅晉封成功延平郡王成功以海澄功請封各鎮封甘輝崇明伯黃廷永安伯萬禮建安伯郝文興祥符伯王秀奇慶都伯叅軍馮澄世太僕卿兼都察院御史

海上見聞錄

六月鄭氏圍東岱遊擊宋天祿禦之斬首數百級乃遁入海溺死無算積

屍乘潮至通濟橋江水數月不堪食

連江縣志

十月同安侯鄭芝龍奏前命招撫逆弟鴻逵逆子成功臣即遣人貽書宣

傳聖意俱未受封初廣西李定國差人致書成功約以舟師直取江南而

鄭芝龍在京遣家人李德稱有詔封成功海澄公九月京中遣內院學士

葉成格理事官阿山與成功弟渡舍蔭舍齋四府安插兵衆勅至十九日

李德周繼武先到廈門傳知先剃髮後受詔至十月渡舍回泉州約二使

到安平先受詔而後剃髮十七日二使至設供帳於報恩寺二使就布棚

安詔勅成功不受報父書末曰萬一不幸兒惟有編素復仇以結忠孝之

局耳復遺書與渡舍曰兄用兵老矣豈有舍鳳凰而就虎豹者哉惟吾弟

善事父母勿以兄為念二十日二使回泉州促渡舍蔭舍并芝龍後娶顏

氏及芝豹回京復命撫事不成置芝龍於高墻成芝豹於甯古塔成功遣

林察等率五鎮戰船南下齎表永歷行在并復書與李定國

海上見聞錄
清史紀事本

末

案三藩紀事本末作明年十月事

十一月漳州千總劉國軒以總鎮張世耀新任兵未協遣人來約期獻城降於是遣洪旭甘輝林勝戴捷等於十二月一日夜至漳州南門雲梯而上國軒引之世耀倉卒不知所為與知府房星華知縣周瓊理刑王元衡降洪旭入城安輯四日成功抵漳州以國軒為護衛後鎮諸屬縣皆降遣諸將徇泉州屬縣亦降惟府城為副將韓尙亮堅守海上見聞錄

案三藩紀事本末小腆紀年作明年十二月事

是年黃總鎮以黃允會為標官臨汀景攷

十一年正月明永曆八年魯王在金門海東逸史小腆紀年作移居南澳

七月以佟代總督浙閩清世祖實錄

八月增福建浦城縣楓嶺營以遊擊守備各一員兵一千名駐紮撤常山

廣濟驛移長汀三洲驛為小關驛移上杭藍屋驛於浦城為柘浦驛東華錄

十二月福建巡撫佟國器奏鄭成功勢及興化請迅發滿洲大軍進勦並

救調潮州水師直抵廈門與閩師首尾夾擊東華錄

以楊捷馬得功充福建隨征總兵官馬逢知一作寶加左都督隨征福建左

路清世祖實錄逆臣傳

十二年海上稱永曆九年正月魯王在金門海東逸史

鄭成功攻仙遊縣破之海上見聞錄

世祖諭曰知府乃吏民之本其最要者如福建之福州泉州共三十府或

政事殷繁或地方扼要著京外大臣各舉才行兼優者以備三十處知府

之用石渠餘紀

二月鄭氏設六官以潘庚鍾為吏官洪旭為戶官鄭肇柱為禮官張光啟

為兵官程璠為刑官馮澄世為工官設協理各一員左右都事各二員以

常爵甯為察言司掌六卿印鄧會張一彬為正副審理設儲賢館以前所

誠諸生洪初關楊經阮旻錫陳昌言陳鵬羽楊芳葉儒羽呂鼎陳繼明林

復明及薦舉人士薛聯桂鄧愈等充之設儲胄館以死事諸將及侯伯子弟柯平林維策等充之改中左所即夏為思明州以薛聯桂知州事海上海上見聞

錄

三月調佟國器巡撫南贛宜永貴巡撫福建清世祖實錄

福建巡撫佟國器獲同安侯鄭芝龍與其弟鴻逵子成功交還私書羈其

使具奏封進下兵部密議東華錄

四月鄭成功以郝文興為提督萬禮為後提督王秀奇改為右提督林勝

代為戎旗鎮黃昌為援勦左鎮黃梧為前衝鎮林察等應援李定國不及

成功怒降責有差委戶官洪旭任水師右軍潘庚鍾兼管戶官吳慎為協

理佐之海上海上見聞錄

五月浙江福建總督屯泰奏原任福建左布政使今升戶部侍郎周亮工

欺君虐民大貪極惡列款以聞令亮工回奏東華錄

六月閩督劉清泰遺書鄭成功有曰固山枕戈久矣有不能頃刻待成功

覽書笑曰彼以勁旅挾吾吾豈懼一固山哉不報朝命鄭親王世子濟度

一作渡為定遠大將軍率旗兵漢兵約三萬赴閩成功從馮澄世策墮安平

鎮漳州府惠安南安同安三縣城同師廈門海上見閩錄小腆紀年見閩錄作四月事不從同廈門

作回漳州

七月以甘輝為正總督王秀奇為副總督率二十餘鎮北上與洪旭陳六

御相機而行以黃廷為正總督萬禮為副總督率二十鎮南下海上見閩錄

八月清世子濟度至福州調集綠旂馬步併進成功令思明州居民及官

兵眷口移金門鎮海等處空島以待調戎旗鎮林勝守思明併調回洪旭

北上師以陳六御張名振阮駿等鎮守舟山授巴臣功驍騎鎮改名臣興

洪旭入台州港守台州馬信降授中權鎮海上見閩錄

九月貝子玉同固山額真都察院承政土賴統率滿州兵披甲及漢軍烏

金超哈三萬駐閩福州府志

十月滿洲兵至駐南門水部東門各部外住人家索酒肉金帛役使主人

飼馬稍違卽捶楚交加中有明甲暗甲馬凡萬餘匹取鍋萬餘口鋤草刀

萬餘把馬槽萬餘個皆民間辦給一馬每月支穀六百斤草若干每擔用

銼草夫百餘名每名工日值一錢二分或用人或折銀上穀則有收穀官

吏上草則有收草官吏賄託不稱意則賠費甚多駐二十日往漳州榕城紀聞

無為教教主責死於福州府堂其教有五公經言圖讖變亂之事從之者

眾分金木水火土五股其法有懺悔期男女混處其所食糧各處獻納甚

有傾家竭產以事之至是而敗榕城紀聞

十三年海上稱永曆十年正月魯王在金門海東逸史

二月調李率泰總督浙閩清世祖實錄

以馬得功充提督福建總兵官張承恩充福建左路總兵官清世祖實錄

停福建鼓鑄東華錄

三月贈仙遊縣陳歿遊擊王嘉禎官東華錄

提督馬得功復用縱兵掠殺榕城紀聞

四月世子濟度攻明廈門復攻金門皆敗還先鋒韓尙亮掠廈門會颶風大作復大雨淋漓船不得泊滿兵皆顛眩斷旋壞舵之聲震蕩魂魄其被風飄至兩島者皆斷其手掌縱之歸時濟度偵知鄭成功積聚在金門白沙寨令王進功攻之甫出港遇洪旭哨船乘波酣戰復大敗遂退入泉港

清史紀事本末

五月以劉漢祚巡撫福建

清世祖實錄

閏五月福建巡撫宜永貴奏甯化逆首黃素禾勢蹙投誠餘黨悉散

東華錄

贈死事漳州府同知王顯謨官

東華錄

六月鄭成功至思明州議揭陽喪師罪

在本年正月以非本省事未載

斬左先鋒蘇茂杜

輝網責黃梧記責照舊管事罰鎧甲五百贖罪以周全斌為左先鋒郭遂

第改名華棟為後衝鎮撥黃梧代王秀奇守海澄縣梧同蘇茂弟明據海

澄降清陳勦海五策一屯沿海以堵登岸二造小舟以圖中左三清叛產

以裕招徠四鋤奸商以絕接濟五刻偽墳以洩眾憤封梧為海澄公鎮漳

州梧薦施琅為副將同安城守蘇明召至京為內大臣後梧請株求鄭氏親黨徒沿海居民漳泉之間大遭其禍清世子調各灣船令泉州城守韓尙亮出泉州港成功令諸鎮出圍頭迎擊援勦左協王明擊沈一船信武營陳澤等乘勢追趕忽颶風大作諸鎮舟收泊圍頭泉州船有收入圍頭被獲者有飄入貴嶼金門登岸乞降者有飄至外洋至黃海者收回泉港不滿十隻由是不敢渡海

海上見聞錄清史紀事本末

七月成功遣甘輝等入閩安鎮至省城南臺橋登岸扎營成功謀知省城

無兵令取福州而差船失其諭帖不至遂掠南臺潭尾等處

海上見聞錄

成功進攻福州三戰三捷斬副將胡希玠擒參將張禮于是守將望風降

成功不為備會城外伏兵起倉猝乘潮解旋退閩安

小腆紀年清史紀事本末

免福建莆田等三縣衛十一年十二年荒地額賦

東華錄

八月初四日鄭成功兵陷連江縣知縣楊繼生死之十六日陷東岱堡屠其鄉十九日提督馬得功復縣城遂救東岱成功毀城遁東岱為連江咽

喉將入縣必先攻堡其民俗强悍勇于戰鬪成功屢攻不下遂先攻縣及縣陷復反攻之旬有餘日矢石並發終不能近因掘地內礮裂其城衆潰入之殺戮無遺兵退邑諸生王治觀棄產爲冢瘞焉是時成功復移攻北茭焚掠分遣一舟至馬鼻索餉以三日爲限陳某造其舟請緩期怒執之其女某鳴金號衆定議當早潮水退舟膠泥難動兵眠未寤合鄉各乘泥板執狼牙竹圍之爭拋以泥舟滑不可立奮擊斃之舉舟無得脫者泥板之樅海濱人於泥中乘之如飛連江志

九月成功至閩安鎮相度地勢令馮澄世林勝萬禮築寨鎮守之羅星塔亦築土堡以陳斌林銘杜輝等守之馬江蕭家渡設水師以裴德守之成功出屯壺江定海鳳埔等處復攻連江海上見聞錄連江志

十月成功駐三都清世子攻銅山後衝鎮郭華棟擊敗之以王秀奇總督

五軍馬信管左提督海上見聞錄

十二月成功令甘輝周全城取羅源甯德等縣舟師自梅溪登岸由飛鸞

渡白鶴嶺至羅源圍城數匝城內兵共三百人知縣陳欽如同營將李應先戮力守禦馳蠟書赴省請援清世子遣梅章京阿格商巴都柯如良帶兵數千赴援時芝龍差謝表勸成功就撫李率泰亦差人說退兵以就撫局成功令諸鎮兵皆退甘輝斷後至護國嶺滿洲先鋒騎數百追至見陣整不敢逼輝令抽兵度嶺親督數千在後阿格商至揮兵欲蹙之別將勸止阿格商曰此易取耳當盡殲之至嶺下身自下馬諸將騎皆步行上嶺箭如雨發路狹兵不得成列甘輝揮刃大呼從高趨下兵殊死鬥滿兵崩壞阿格商中數刃猶力戰馬信斷其首埋於田中餘殺死甚多甘輝卽下令收兵而別鎮追者爲滿騎所殺退朝命撫臣佟代致書成功議款成功

不報

海上見聞錄三藩紀事福州府志清史紀事本末

十四年

海上稱永曆十一年

魯王在南澳鄭成功駐三都

海東逸史

三月鄭成功令萬禮等守閩安鎮羅星塔等處而自率諸鎮北上至鎮下

灣阻風遂回思明州

海上見聞錄

定國公鴻逵卒於金門所海上見

聞錄

五月移郎名賽固山兵駐防福建省屯城中東門湯門水部三關民居概令搬移任兵謂之匡屋為滿洲營其兵正披甲三千家眷親戚人四五萬亦

分八旗號漢軍滿語曰烏金超哈八梅勒統之曰將軍

裕城紀聞

六月臺灣紅夷長揆一遣通事何斌送外國寶物與鄭成功求通商願年

輸餉五千兩箭桴十萬枝硫黃一千擔許之

海上見聞錄

浙閩總督李率泰密奏鄭成功父子詭祕芝龍不宜流徙甯古塔恐由此

而遁則將來沿海為患不可勝言下兵部速議

東華錄

清贈福建陣歿遊擊劉天佑官

東華錄

七月成功委洪旭督水路四鎮守思明州親督戎旗等鎮進攻興化黃石

分遣甘輝進札涵頭取糧三日遂抽進狼崎令前提督黃廷鎮守閩安鎮

護衛陳斌守羅星塔

海上見聞錄小腆紀年

九月桂王遣彰平伯周金湯大監劉柱從海上至齋延平王印勅晉封潮

王招討大將軍賜尙方劍便宜行事

小腆紀年以為明年正月事

成功欲恢復南京然

後稱王文書告示只稱令旨而已

海上見聞錄清史紀事本末

十一月成功攻海澄之鷗汀堡鄰邨入堡避賊者七萬餘堡破同日受屠

有僧瘞之於隴子之原題其碣曰同歸域

道古堂詩集

案海上見聞錄以為明年十一月事

十五年春正月

永曆十二年

魯王在南澳

海東逸史

明册封鄭成功部將王秀奇為祥符伯馬信為建威伯甘輝為崇明伯黃

廷為永安伯萬禮為建安伯陳輝為忠靖伯洪旭為忠振伯郝文興為慶

都伯餘拜爵有差

小腆紀年

成功駐思明州築演武亭練兵以石獅重五百斤為的力能挺起者撥入

左右武衛親軍皆配雲南斬馬刀弓箭帶鐵面穿鐵臂鐵裙用鎖鑰定使

不得脫時謂之鐵人

海上見聞錄

以吳萬福充福甯總兵官

清世祖實錄

五月福建巡撫劉漢祚奏提督馬成功梅勒章京傅大受等破鄭成功兵

於白沙斬馘無算下所司察敘東華錄

成功以前提督黃廷守思明州與洪旭同商機務鄭泰撥給兵餉餘諸提

鎮俱北上海上見聞錄

七月諭吏部浙閩舊設總督一員今海氛未靖幅員遼濶勢難兼顧除見

任總督外著再設一員分理兩省軍務爾部即會推堪任者引見其各駐

紮地方一併議奏東華錄

九月免福州興化建甯三府福甯州一州十二年十三年荒地稅糧清世祖實錄

十月鄭成功在台州港閩總督李率泰調集漳泉水靖世子撥披甲下船

圍羅星塔又調集民夫自鼓山開路達閩安鎮滿兵水陸並進前提督右

鎮程宗守頂寨戰死遂失閩安鎮護衛前鎮陳斌神器鎮盧謙守羅星塔

被困無援施琅在總督軍前使人招降陳斌兵斌遂降琅復說李率泰殺

被

之南臺橋凡五百餘人成功棄臺州南下已無及矣遂以陳堯策督數鎮守狼崎而白回思明州海上見

十一月福建巡撫劉漢祚奏海寇竊踞永甯崇武等澳聯船飄忽屢犯洛陽內港等處提督馬得功遣參將甯獻功等進勦斬獲無算東華錄

十六年正月魯王在南澳鄭成功駐沙關海東逸史海上見

以徐永禎巡撫福建清世祖實錄

五月鄭成功遷魯王於澎湖島小腆紀年在海中命王監國後海東逸史

七月命內大臣達素為安南將軍率師征鄭成功清世祖實錄

九月成功自江南退師留陳輝阮美羅蘊章分守舟山於初七日回駐廈門以出師無功修表待罪遣使從龍門間道達滇自貶王爵仍用招討大將軍印立忠臣廟祀死難諸臣以甘輝為第一哭之曰早從將軍之言吾不至此夫初甘輝之破仙遊也聞有活閻羅王志章者能前知齊戒往謁志章書位至崇明壽至崇明八字示之既封崇明伯而江南之役道經崇

福建通志已清一

明心疑其驗阻之不獲竟死焉小腆紀年

裁福建福州府常豐福清萬安興化府莆禧泉州府重門福甯州大金各倉大使副使泉州府晉安錦田大輪延平府雙峰三華建甯府延平邵武

府樵川杭川各驛驛丞東華錄

是年調浙江水師總兵常進功為福建水師總兵征鄭成功直抵衙前成

功兵潰追破之于定關前傳

十一月滿洲兵復至十一日頭站三百人馬五百匹先至屯東門外途中

所過各掠三十里居住人家令供酒肉役使主人折毀房屋大隊以十二

月二十六日至屯扎七門外南至籐山東至竹嶼北至崎山人民住屋大

屋留一進小屋留一房與主人仍令供給油柴酒肉至次年四月始往海

澄官以兵至預徵後三年糧於本色每一兩取穀六百斤又糧每一兩取

白米三斗每披甲一名用夫至二三十人兼以修城燒運磚瓦砌石搬土

自是年冬起每日俱用千餘人榕城紀聞

十七年魯王在澎湖島

海東逸史

正月將軍達素兵至福州三月至泉州僱配船隻成功調回北汛諸提鎮及南下兵分派屯紮四月二十六日泉州船二百餘號進至頭城勅令林察蕭拱宸等泊劉五店遏止圍頭不得入同安港會台右虎衛陳鵬守五道高崎東一帶援勦前鎮戴捷守高崎寨殿兵鎮陳璋前衝鎮劉俊智武鎮顏望忠守澗保寨并赤山坪遊兵鎮胡靖防守東渡寨戎政王秀奇總督高崎等處協理戎政楊朝棟總督東渡等處

海上見聞錄

五月贈福建陣亡遊擊袁九龍官

東華錄

鄭成功撥陳輝等泊海澄港以截漳州大隊水師提督黃廷周全斌等在海門迎敵八日漳州配大船一百號李率泰黃梧督之出海澄港將軍達素同安總鎮施琅以小船配滿兵渡高崎約於十日進兵是日成功傳令陳輝等安泊中流不許起柁欲待漳州船出而乘其後倏忽聞滿船乘風順流蔽江而下以數船攻一船用鐵鍊釘住礮矢齊發陳堯策周瑞船及

方左營船皆被毀滿兵蜂擁上陳輝船輝走入艙發火藥從下衝上船火
飛裂滿兵上船俱死輝跳而免成功坐煩船繼令何義督之而下八槳船
往來督戰將午南風大發海潮漸長黃廷周全斌等奮力迎擊同正副龍
煩兩船破艖而入龍煩受大彈子一九至十餘斤小彈子一斗副龍煩照
樣新鑄者各以一船專載之龍煩所及船中人頃刻不見遂奪先鋒各等
船戶官鄭泰自金門率船五十號乘勢衝入宣毅鎮黃元從鼓浪嶼後衝
出夾攻礮聲如雷隱隱不絕火烟迷江咫尺不辨共擒滿船十三號滿先
鋒三船被追至圭嶼棄船登岸馬信招之降夜溺殺之將軍達素督兵船
至牟尼嶼赤山坪登岸陳輝揮兵於水中逆戰兵少漸不支守高崎陳鵬
密通同安施琅謀爲內應其左營陳蟒璋之姪也見勢急欲出兵救援鵬
止之王秀奇總督高崎等處速令蟒赴之滿兵見金龍甲兵以爲迎已及
下水斫殺始慌亂而前協萬宏等繼至前衝鎮劉俊亦從東衝出協力拒
戰滿兵登岸皆被殺其溺水者不計生擒披甲三百餘人斷掌放回達素

回省吞金而死屍浮海岸萬餘長髮者十二三短髮者十七八成功磔陳鵬殺其家屬以陳蟒為虎衛右鎮何義為虎衛左鎮自是終成功世無敢

言覆島者

海上見聞錄小腆紀年清史紀事本末

七月成功命兵官張光啟往日本國借兵船載黃蘗寺僧隱元及其徒五

十眾時日本敦請隱元故載與俱往成功書止與國王而不及上將軍主

國政者故日本兵不發

海上見聞錄

福建總督李率奏海氛未靖應遷同安之排頭海澄之方田沿海居民

入十八堡及海澄內地酌量安插從之

東華錄皇朝年表

命靖南王耿繼茂移駐福建

東華錄

命都統宗室羅託為安南將軍率師征鄭成功

清世祖實錄

八月成功令陳堯策等劄琅崎攻連江馬鼻及透堡焚掠不遺令楊富劄

福清黃元劄長樂沿海聯絡徵餉

海上錄

是年耿繼茂由廣入閩鎮守

福州府志皇朝年表

是年廣寇謝上達等盤據武平五指石知縣朱之焜借餉徵兵蕩平之鐫

功立平寇碑

臨汀彙攷

十八年魯王在澎湖島

海東逸史

三月授浙江提督田雄二等侯福建提督馬得功三等侯

東華錄

鄭成功進兵臺灣臺灣海外一巨島東倚層巒西迫巨浸北之雞籠城與

福州對峙南則河沙磯

亦作沙馬礮

小琉球近焉廣袤千里物產之利無所不

有內地自鷺門金門迤邐以達澎湖風濤噴薄瞬息萬狀又東鹿耳門旁

夾七鯤身海道紆折餘皆山羅礁擁無所由入隋大業中虎賁將陳稜一

至澎湖東向望洋而返宋史謂澎湖東有毘舍那國即其地也元置巡司

於澎湖明初廢之嘉靖中海賊林道乾遁入臺灣都督俞大猷追之哨鹿

耳門外以歸道乾尋為琉球所逐天啓中日本逐琉球而踞之海澄人顏

思齊者謀奪日本計洩與其黨楊天生陳衷紀等二十八人竄臺灣鄭芝

龍附焉思齊死芝龍領其眾尋就撫荷蘭紅毛夷遭風泊臺灣乞於日本

以臺灣爲互市地不許則曰願得地如牛皮多金不惜許之乃翦皮爲絲

圍城里許入居之旋逐日本而有之崇禎中閩地大旱芝龍請於巡撫熊

文燦以船徙饑民數萬至臺灣人給三金一牛使墾島荒已而芝龍去臺

灣荷蘭專治市舶不歛田賦故荷蘭人二千踞城中流民數萬屯城外相

安無事鴻荒甫闢土膏墳盈一歲三熟漳州之人赴之如歸市久之荷蘭

築城曰臺灣曰雞籠曰淡水一作先築安平城旋築赤嵌城築礮臺沈夾板於鹿耳門之

港口置揆一王守之成功以廈門地蹙軍孤謀拓土有荷蘭甲餽通事何斌

者南安人爲揆一王主會計負帑二十萬懼發覺遣其私人郭平駕小舟

僞爲釣魚者順鹿耳門至赤嵌城往來探視得一港路走廈門謁成功見

錄作揆一王曰臺灣公家之故土也沃野千里雞籠淡水硝磺有焉橫絕

大海肆通外國耕種可以足食與販銅鐵可以足用霸王之區也成功覽

其地圖嘆曰此亦海外之扶餘也集僚佐議之不決惟馬信楊朝棟然之

乃令洪旭黃廷王秀奇輔世子經監守思明州鄭泰居金門所成功陳兵

自鎮南關起依山布陣甲兵數萬周全斌統轄戎旗兵七千皆衣金龍甲
軍威甚盛三月一日祭江督文武官親軍武衛周全斌何義陳嶙提督馬
信鎮將楊祖蕭拱宸陳澤吳豪林瑞張志等首程先行令澎湖遊擊洪暄
引港各船俱到料羅灣聽令二十二日自料羅灣放洋二十四日到澎湖
分各嶼住扎成功扎營內嶼海上見聞錄

四月成功復奉魯王居金門

海東逸史

初三月二十七日成功自澎湖開船下令曰視吾鷁首所向四月一日天
明成功至臺灣外沙線各船絡繹至鹿耳門線外此港甚淺大船從無出
入故荷蘭不防之成功焚香祝曰成功受先帝眷顧寸土未得孤島危居
今冒波濤闢不服之區天如佑我假我潮水行我舟師竹篙視之則加漲
丈餘以手加額曰此天所以哀孤而不委之壑也令何斌坐斗頭按圖轉
舵成功下小船由鹿耳門登岸午後大船齊進泊水寮港登岸扎營令陳
澤扎鹿耳門牽制荷蘭船並防北線尾守赤嵌城酋長貓雞實叮發礮擊

營盤成功恐焚及赤嵌衛令楊朝棟督張志兵防禦看守三日陳澤扎營北線尾守臺灣城揆一王遣頭目拔鬼仔率兵數百前來衝擊陳澤迎戰一鼓殲之四日楊朝棟招諭赤嵌城酋長貓雞實町以城孤救乏遂率三百餘名出降令赤嵌酋長招揆一降不從先數夕風潮驟振聲震雲霄揆一王率諸酋登城望海見一人襍頭紅衣騎長鯨從鹿耳門游漾紆回繞赤嵌城而沒是日礮聲轟天以千里鏡視之見鹿耳門船隻旌旗笑謂唐船近礮臺則無遺類俄見小船樹旗纛倏北倏東餘船以次銜尾魚貫悉遠礮臺而行駭爲兵自天降呼酋長黎英三集衆截擊倉卒間見大隊已達赤嵌矣時荷蘭尙有中版船在港陳澤等攻之沈其一燬其一餘遂走成功移師鯤身次日荷蘭擊鼓吹笛出兵七鯤身成功部將楊祥領藤牌手跳舞橫冲荷蘭兵大敗退守王城攻之不克多損傷乃斬竹爲籬籬設門戶築土臺駕礮攻臺灣城揆一王於附城齊放大礮頃刻土臺崩兵退荷蘭人出城奪礮馬信劉國軒率弓箭手射之乃退成功令赤嵌降酋駕

礮擊附城崩之令馬信等扎臺灣衛固守不攻候其自降派各鎮分汎地

屯墾改赤嵌為東都設一府二縣以府為承天府委楊朝棟為府尹一為

天興縣委莊文烈知縣事一為萬年縣委祝敬知縣事海上見聞錄

六月福建巡撫徐永楨奏提督馬得功勦平逆賊李月高許于敬其餘黨

下海者皆掩殺無餘下部察敘東華錄

七月朔福州大火妙巷發火延燒大街鼓樓雙門樓虎節河邊東街至都

司前西至定遠橋舊米倉府巷後曹大中寺彈棉河沿北至淳仁里錢塘

巷俱為灰燼榕城紀聞

荷蘭夾板至成功調右武衛前協黃德幫守臺灣衛名其衛為安平鎮海上

見聞錄

成功擊臺灣土番平之營將楊高凌削土番大肚番阿德狗讓殺高反成

功令楊祖征之中標槍死其鋒益熾將出援荷蘭黃安設伏誘之斬阿德

狗讓餘黨悉平小腆紀年

安南將軍內大臣達素奏黃梧招撫鄭芝龍屬下偽都督萬儀萬祿等擒

偽中匡伯張進據海上見聞錄進係自焚死 偽總兵朱受折毀所據銅山城垣房屋降

偽官一百八員兵四千四百名兵民家口萬餘東華錄

是月靖南王耿繼茂至隨帶有千餘副披甲城中夜間行劫查拏皆王府

兵丁王府取鋤草夫閩侯兩縣共一千三百名長日不輟各村供柴炭雞

鵝鴨等項不絕近郊菜園皆王人租樸卽令栽種當舖牙行鹽商諸色買

賣王人共分抽稅謂之總牙南臺洪塘各處市鎮關隘所在悉係王人總

管王和尚千餘人師尼五百人各佔住寺庵各處渡船係王人撐載不許

漁翁取利王母曰太媽者另開府於舊郎將軍府所用人夫工匠一一如

王之數榕城紀聞

十月棄降將鄭芝龍于市鄭芝龍為其家人尹文器出首通海時聖祖初

登極四輔蘇克薩與芝龍有隙以十月三日戮芝龍並其子孫家屬凡十

人報至成功叱為妄傳然中夜悲哭居常鬱悒鄭芝豹以當成功變時卽

投誠來歸並其子俱免死東華錄

十二月守臺灣城揆一王降時安平陷重圍者已九月兵士死者數千而城堅守不下成功乃使人告之曰此地乃先人故物今我所欲得者土地耳餘悉以歸汝揆一知不能敵乃請降而遷其輜重下船率五百餘人駕夾版去成功遂有臺灣改名東甯以各社田土分與水陸諸提鎮挈其家屬至東都居住兵丁俱令屯墾內則組織政府興農業修兵備定法制建學校用處士陳永華言築館舍以居明宗室遺臣之渡海者外則置兵金門廈門兩島與相犄角復通聘斐律賓羣島及西班牙諸國以結外援惟初至水土不服疫癘大作病者十之七八死者甚多加以用法嚴峻果於誅殺府尹楊朝棟以其用小斗散糧殺其一家又殺萬年縣祝敬家屬發配於是人心惶懼諸將解體先是達素兵至成功令思明州將領各眷口移任金門其先來降者家屬乘隙多內渡左提督王秀裔逃江南埋名不出原任漳州知府房星華逃入京使其弟候補通判房星耀上言以爲海

兵皆沿海取餉使空其土而徙其人禁舟不許下海則彼無食而兵自散矣降將黃梧亦先以爲言遂命戶部尙書蘇納海至閩遷海邊居民離海三十里庄村田宅悉皆焚棄築垣墻立牌界撥兵戍守出界者死自省城閩安鎮始北抵浙界之沙埕六百七十里南抵粵界之分水關一千一百五十里通爲閩邊一千八百二十里築寨固守禁外出其入海之水曰潘渡河曰銅鏡河曰廉村河曰洋尾河曰大梅河曰赤頭河曰雲霄河曰開溪河皆斷而守之百姓失業流離死亡者以億萬計蘇納海歸荐施琅爲水師提督移鎮海澄

海上見聞錄粵閩巡視紀畧

是歲明兵部尙書張煌言駐師福建之沙關煌言聞成功師抵澎湖遣幕客羅子木以書責之謂軍有才進無尺退今一入臺則將來兩島並不可守是孤天下之望也不聽遷界令下沿海流亡失所煌言頓足嘆曰棄此十萬生靈而爭島夷乎復以書招成功謂可乘機取閩南不見聽乃遺書故侍郎王忠孝都御史沈佺期徐孚遠監軍曹從龍勸其力挽成功旣而

再遣子木入臺苦口責之成功以臺灣初定不能行煌言乃以孤軍徘徊

金厦兩島之間小腆紀年

復匡屋與王兵湊住閩縣直街沙橋一帶原係滿營對門更至中衛前開

元寺之北街龍山巷經院巷井樓門之西街三牧坊之東邊一帶居民盡

逐又匡居東街閩縣前一帶自孝義巷燈籠巷花園口法海寺前起至觀

巷各處居民盡逐榕城紀聞